



新刊監本冊府元龜卷之二十一

帝王部 二十一

徵應

自古受命而王者莫不有徵應焉歲起攝提肇生天皇書契而
下益章章矣故曰黃河清而聖人生里社鳴而聖人出群龍見
而聖人用生既異稟則文王之在也六憂出既殊惑則漢高以
斬蛇自負用既響合則光武應白水之讖而中興矣傳曰天降
時雨山川出雲嗜欲將至有開必先易曰雲從龍風從虎聖人
作而萬物覩上自日月星辰下及昆蟲草木以時薦祉者何可
勝道哉是知天人合契靈祇幽贊運之斯啓感而遂通乘時建
事大勲以集蓋帝者之興未有不休徵先兆以表眷命之符者

也

帝堯初為唐侯嘗夢攀天而上之
帝舜耕於歷山夢眉長與髮等

夏禹初為司空觀於河有長人白面魚身出曰吾河精也呼禹
曰文命治滎授禹河圖言治水之事乃退入於淵

周文王父季歷之十年飛龍盈於岐之牧野此益聖人在下位
將起之符也及為西伯作邑於豐文王之妃曰大妣夢商庭生
棘太子發植梓衝於闕間化為松栢作楫以告文王文王幣告
群臣與發並拜占夢季秋之甲子赤雀啣書及豐止於昌戶昌
拜稽首授之其文要曰姬昌蒼帝子亡殷者紂

武王伐紂度孟津中流白魚躍入王舟王俯卧魚長三尺日下
有赤文成字言紂可伐王寫以世字魚文消燔魚以告天有火
自天止於王屋流為赤烏烏銜穀焉穀者紀后稷之德火者燔
魚以告天天火沉下應以吉也遂東伐紂勝於牧野兵不血刃
而天下歸之

漢高祖初從王媪武負貫酒時飲酒卧武負王媪見其上常有
龍惟之高祖每酤留飲售數倍及見惟竟此兩家常折券棄
質後高祖以亭長為縣送徒驪山徒多道亡自度比至皆亡之
到豐西澤中亭上飲夜皆解縱所送徒曰公等皆去吾亦從此
逝矣徒中壯士願從者十餘人高祖被酒夜逕澤中令一人行
前行前者還報曰前有大蛇當徑願還高祖曰壯士行何畏乃
前拔劔斬蛇蛇分為兩道開行數里醉因卧後人來至蛇所有

一老嫗夜哭人問嫗何哭嫗曰人殺吾子人曰嫗子何為見殺
嫗曰吾子白帝子也化為蛇當道今者赤帝子斬之故哭人乃
以嫗為不誠欲詈之嫗因忽不見後人至高祖覺告高祖高祖
乃心獨喜自負諸從者曰益畏之高祖隱於芒碭山澤間呂后
與人俱求常得之高祖恠問呂后后曰季所居上常有雲氣故
從往常得季高祖又喜沛中子弟或聞之多欲附者高祖既入
咸陽范增令人望其氣皆為龍成五色此天子氣故勸項籍急
擊之勿失沛公用項伯張良謀來謝得免高祖既為漢王二年
項籍擊漢睢水上大破漢軍多殺士卒睢水為之不流圍漢王三
匝大風從西北起折木發屋揚砂石晝晦楚軍大亂而漢王得
與數十騎遁去陳餘襲破常山王耳耳敗走曰漢王與我有故

而項王強立我我欲之楚耳公曰善說星者耳漢王之入關五

星聚東井東井者秦分也先至必王楚雖強後必屬漢耳遂走

漢又漢書載漢王元年十月五星聚晉東井以歷推之從歲星

也此高皇帝受命之符故客謂張耳曰東井秦地漢王入秦

正星從歲星聚當以義取天下秦王子嬰降漢王於軹道漢王

以扁吏寶器婦女亡所取并封官門還軍次於霸上以候諸侯

與秦民約法三章民亡不歸心者可謂能行義矣天之所予也

五年遂定天下即帝位比明歲星之崇義東井為秦地明效也

文帝初為代王會丞相大尉共誅諸呂使人迎代王代王報大

后計猶豫未定卜之兆得大橫龜曰兆筮曰卦卜以占曰大橫

庚庚余為天王夏啓以光庚庚橫貌其絲文也占謂其謠也先
傳嗣能光先君之業文帝亦襲父迹言似啓代王曰寡人固已
也絲音文勅切本作籀書也謂讀卜辭
為王又何王乎卜人曰所謂天王者乃天子也
昭帝武帝少子也母曰趙婕妤本以有奇異得幸謂望氣者言
有奇女子氣

及召見女指拳上
自披之即時伸

及生帝亦奇異

十四月乃生

宣帝武帝曾孫在襁褓坐戾太子繫郡邸獄望氣者言長安獄
中有天子氣武帝遣使者分條中都官獄繫者輕重皆殺之內
謁者令郭穰夜至邸獄丙吉拒閉使者不得入曾孫賴吉得以
全幼時居數有光耀每買餅所從家輒大雉與售同亦以是惟初
昭帝元鳳三年正月泰山萊蕪山南凶凶有數千人聲民視之
有大石自立高丈五尺大四十八圍入地深八尺三石為足石
立後有白鳥數十下集其旁昌邑有枯社木卧復生又上林苑
中大柳樹断枯仆地亦自立生有虫食樹葉成文字曰公孫病
已立時睢孟推春秋之意以為食柳皆陰類下民之象大山者
岱宗之嶽王者易姓告天之處今大石自立僵柳復起非人力

所為此當有從匹夫為天子者枯社木復生故廢之家公孫氏
當復興者也孟意亦不知其所在即說曰先儒董仲舒有言雖
有維體守文之君不害聖人之受命漢家堯後有傳國之運漢

帝宜誰差天下求索賢人

誰問差擇也問擇天下賢人

禮以帝位

禮古禪字

而退

自封百里如殷周二代後以承順天命孟使友人內官長賜上
此書

內官署名百官表云內官長女初屬少府中屬主爵後屬宗正賜者其長之名也

時昭帝幼大將

軍霍光秉政惡之下其書廷尉奏睢孟妄設祆言惑衆大逆不
道皆伏誅後五年孝宣帝興於民間即位徵孟子為郎

宣帝初名病已

後漢光武皇考南頓君欽初為濟陽令以建平元年十二月甲
子夜生光武於縣舍有赤光照室中欽異焉使卜者王長占之
長辟左右曰此兆吉不可言是歲縣界有嘉禾生一莖九穗因

名光武曰秀明年方士有夏賀良者上言哀帝云漢家歷運中
衰當再受命於是改號為大初元年稱陳聖劉太平皇帝以厭
勝之及王莽篡位忌惡劉氏以錢文有金刀故改為貨泉或以
貨泉字文為白水真人後望氣者蘇伯阿為王莽使至南陽遙
望見舂陵郭喈口氣佳哉鬱鬱葱葱然及更始起兵還舂陵遠
望舍南火光赫然屬天有頃不見道士西門君惠李守等亦云
劉季當為天子更始立光武為大司馬徇河北以王郎新盛乃
北徇薊晨夜兼行蒙犯霜雪天時寒面皆破裂至滹沱河無船
遇冰合得過未畢數車而陷又王霸傳云光武徇薊王郎起兵
光武即南馳至下曲陽傳聞王郎
兵在後從者皆恐及至滹沱河候吏還白河兵流澌無船不可
濟官屬大懼光武令王霸往視之羈恐驚衆欲且前阻水還即
詭曰冰堅可度官屬皆喜光武笑曰候吏果妄語也遂前比至
河河水亦堅乃令霸護度未畢數騎而冰解光武謂霸曰安吾
衆得濟免者卿之力也霸謝曰此明公至德神靈之佑雖武王
白魚之應無以加此光武謂官屬曰王霸權以濟事殆天瑞也

惶惑不知所之有白衣老父在道旁指曰努力信都郡為長安
守去此八十三光武即馳赴之信都太守任光開門出迎光武
安帝自在邸第數有神光照室又有赤蛇盤於床第之間
獻帝母王美人妊娠畏何后服藥欲除之胎安不動又數夢負
日而行

魏太祖之為魏王也先是熹平五年黃龍見譙光祿大夫橋玄
問太史令單颺此何祥也颺曰其國後當有王者興不及五十
年亦當復見天事常象此其應也內黃殷登默而記之至四十
五年太祖為魏王登尚在文帝初為魏王延康元年三月黃龍
見譙登聞之曰單颺之言其驗茲乎魏書曰王召見登謂之曰
昔成封聞楚丘之繇而敬

事季友鄧晨信少公之言而自納光武登以篤老服膺占術記識天道豈有是乎賜登穀一百斛遣歸家四月饒安

縣言白雉見賜饒安田租勅海郡百户牛酒

八月石邑縣言鳳凰集又郡國十三言鳳凰見二十七言白虎

見是年麒麟十見郡國

晉武帝初為中撫軍魏咸熙元年六月鎮西將軍衛瓘至於成

都得璧玉印各一枝文似成信字魏人宣示百官藏于相國府

賈充聞之曰吾聞譙周之曰先帝諱備其訓具也後主諱禪其

訓授也如言劉己具矣當授與人也今中撫軍名炎而漢年極

於炎興瑞出成都而藏之於相國府此殆天意矣是歲拜充為

梓潼太守明年八月嗣相國晉王位是月長人見於襄武長三

丈告縣人王始曰今當太平初張掖郡刪丹縣金山玄川溢涌

寶石負圖狀象靈龜廣一丈六尺長一丈七尺一寸圍五丈八

寸立於川西有石馬七其一仙人騎之其一羈絆其五有形而

不善成有玉匣闕蓋於其前上有玉字玉珎二璜一麒麟在東

鳳鳥在南白虎在西犧牛在北馬自中布列四面色皆蒼白其

南有五字曰上上三天王又曰述大金大討曹今但取之金立

中大金馬一匹在中大告開壽此馬甲寅述水凡中字六金字

十又有若八卦及列宿字彗之象焉

搜神記曰初漢元成之世先識之士有言曰魏年有和當有開石於西三千餘里擊五馬文曰大討曹及魏之初興也張掖之

柳谷有開石馬始見於建安形成於黃初文備於大和周圖七

尋中高一仞蒼質素章龍馬麟鹿鳳凰仙人之象粲然咸著此

一事者魏晉代興之符也至晉大始三年張掖太守焦勝上言以留郡本國圖校金石文文字多少不同謹具圖上按其文有五馬象其一有人平上憤執戟而乘之其一有若馬形而不成其字有金中有大司馬有王有大吉有正有開壽其一成行

曰金當取之漢晉春秋曰氾縣大柳谷口夜激波湧溢其聲如雷晚時有蒼石立水中長一丈六尺高八尺白石畫文為十三馬一牛一鳥八卦玉袂之象皆隆起其文曰大討曹適水中甲寅帝惡其討也使鑿去為計以蒼石室之宿昔而白石滿焉至晉初其文愈明馬象皆煥徹如玉焉

懷帝初誕有嘉禾生於豫章之南昌先是望氣者云豫章有天子氣其後竟以豫章王為皇大弟

元帝以晉王即位始秦時望氣者云五百年後金陵有天子故始皇東游以厭之改其地曰秣陵漸北山以絕其勢及孫權之稱號自謂當之孫盛以為始皇建于孫氏四百三十七載考其歷數猶為未及帝之渡江也乃五百二十六年真人之應在於此矣初有玄石圖有牛繼馬後故宣帝初忌牛氏遂為二楹共一口以貯酒焉帝先飲者佳而以毒酒鳩其將牛金而恭王妃

夏侯氏竟通小吏牛氏而生元帝咸寧初風吹大社樹折社中有青氣占者以為東莞有帝者之祥由是徙封東莞王於瑯琊即帝祖武王也及吳之亡王濬實先至建鄴而皓之降款遠歸璽於瑯琊天意六事又符中興之兆帝初鎮建鄴郭璞為王導叅軍導令璞筮之遇咸之井璞曰東北郡縣有武名者當出鎮以著受命之符西南郡縣有陽名者井當沸其後晉陵武進賢人於田中得銅鐸五枚柄口皆有龍虎形又有將雛諸雀集其前皆驅去復還至于再三又有鵝三四頭高飛且鳴周迴東西晝夜不下如此者六七日豫章有大樟樹大三十五圍枯死積久永嘉中忽更榮茂又歷陽縣中井沸經日乃止及帝為晉王又使璞筮遇豫之睽璞曰會稽當出鍾以告成功上有勒銘應

在人家井泥中得之繇辭所謂先王以作樂崇德殷薦之上帝者也及帝即位大興初會稽郟縣人果於井中得一棧鍾長七寸二分口徑四寸半上有石文奇書十八字云會稽徵命餘字時人莫識之璞曰蓋王者之作必有靈符塞天人心與人物合契然後可以言受命矣觀五鐸啓號於晉陵棧鍾告成於會稽瑞不失類出皆有方豈不偉哉若夫鐸發其響應徵其象器以數臻事以實應天人之際不可不察初武帝伐吳瑯琊武王伸率衆出塗中而王渾逼歷陽王濬以次近路孫皓欲降送天子璽綬近越一將而遠送詣佃識者咸恠之吳之未亡也吳郡臨平湖一旦自開湖邊得石函中有小青石刻作皇帝字舊言臨平湖塞天下亂開則天下太平吳人以為美祥俄而吳滅後

帝興於江左

康帝初為吳王咸和六年五月曲阿有柳樹倒地六載是月忽復起生元年五月甲戌吳雄家有死榆樹是日因風雨起生與漢上林斷柳起生同象時雖改封瑯琊而猶食吳郡為邑是帝起體饗國之象也曲阿先亦吳地象見吳邑皆天意也

孝武帝始四歲時哀帝興寧三年五月廬陵西昌縣修明家有

死栗樹是日忽起生及得位垂統識者竊曰西昌修明之祥帝

諱實應之矣孝武諱暉字昌明是與漢宣帝頗同象也

後魏道武初生于參合陂明年有榆生于埋胞之坎後遂成林

帝既為代王登國六年十二月出獵親獲鹿一角召問郡臣皆

曰鹿當二角今是諸國將并之應也

天興元年遂即皇帝位初聖武帝諱誥汾嘗率數萬騎田於山澤歛見輜輶自天而下既至見美婦人侍衛甚盛帝異而問之對曰我天女也受命相遇遂同寢宿旦請還曰明年同時復會此處言終而別去如風雨及期帝至先所由處果復相見天女以所生男授帝曰此君之子也善養待之子孫相承當世為帝王語訖而去子即始祖神元帝諱力微也故時人謗曰誥汾皇帝無婦家力微皇帝無舅家天興四年新興太守上言晉昌民賈相昔年二十二為鴈門郡吏入句注西徑見一老父謂相曰自今以後四十二年當有聖人出於北方時當大樂子孫永長吾不及見之言終而過相顧視之父老化為石人相今七十下檢石人見存至帝破慕容寶之歲四十二年

後周太祖其先普迴因狩得玉璽三紐有文曰皇帝璽普迴異之以為天授後太祖為夏州刺史嘗從數騎於野忽聞蕭鼓之音以問從人美之聞也賀拔岳為侯莫陳悅所殺太祖遂奄有其衆初岳營於河曲有軍吏獨行忽見一老翁鬚眉皓素謂之曰賀拔雖復據有此衆然無所成當有一宇文家從東北來後必大盛言訖不見此吏常與所親言之至是方驗

隋高祖初生有左來自河東謂皇妣曰此兒所從來甚異不可俗間處之將高祖舍於別館躬自撫養皇妣嘗抱高祖忽見頭上角出徧體鱗起皇妣大駭墜高祖於地尼自外入見曰已驚我兒致令朕得天下至周武帝時定州城西門久閉不開齊文宣帝時或請開之以便行路帝不許曰當有聖人來啓之及隋

高祖至而開焉莫不驚異

唐高祖初仕隋為譙隴刺史善相者史良言於高祖曰公骨法非常必為人主至於命也非所敢知久之史良復遇高祖乃大驚曰骨法如舊年壽之相頓異昔時勿忘鄙言願深自愛高祖心益自負及為殿內少監時尚食奉御郭弘道善相高祖善之弘道因言曰公天中伏犀下接於眉此非人臣之相宜深自愛高祖取弘道銀盆置之於地引弓射之謂弘道曰向言有驗當一發中之既發應弦而中弘道曰願公事驗之日賜賞金盆高祖大悅後為太原留守鎮并州時武士護為司鎧參軍事詰朝嘗於街內獨行聞空中有言曰唐公是天子士護尋聲不見有人乃以此白高祖并進兵書高祖悅之曰幸勿多言兵書禁物尚能將來深識好心當同富貴耳其夜士護夢高祖乘馬上天旦以狀聞高祖大悅於是出入卧內委以心腹大業十三年起義兵於太原五月甲子慶雲見甲戌有白鳥飛入高祖之懷七月丙辰師自霍邑隋武牙郎將宋老生陳兵拒險義師不得進屯軍於賈胡堡會霖雨積旬餽運不給高祖患之忽有白衣老父詣軍門請見曰予霍山神遣語大唐皇帝若向霍邑當東南傍山取路八月雨止我當助爾破之高祖初哂之遣人東南視地果有微道高祖笑曰此神不欺趙襄子豈當負吾邪時有訛言云突厥將襲太原又軍糧且盡高祖命旋師太宗切諫乃止八月己卯雨果霽高祖太悅以大牢祭霍山庚寅次古堆去絳郡二十餘里有紫雲如華蓋樓閣之形正臨高祖之上癸巳次

龍門縣河水變清白狐見十一月丙辰入京師尊代王為天子
改元義寧元年高祖為唐王義寧二年二月辛卯安邑白鹿見
甲午河池言慶雲見三月丙辰高祖泛舟於後池有魚二躍入
舟乙丑趙郡公孝恭獻神龜背上有文曰萬國付某氏代樂武
德六年七月車騎將軍劉山濤上書高祖龍潛時數往來洛交
之莊舍踐二石靴迹見於石中至今猶在高祖令鑿之深寸餘
其迹愈明乃止初隋大業中有謠云桃李子洪水繞揚山煬帝
疑李氏有受命之符故誅李金故李密據洛口
倉欲其應讖隋文時自長安故成東南稜於庚興村置新都令
西內承天門正當唐興村門今有大槐樹柯葉森鬱即村門樹
也
有司以行列不正將去之帝
曰高顙嘗坐其下不可去也

太宗文皇帝以隋開皇十八年歲次戊午生於武功之別館初
太宗在孕而語聲達於外后心異之將誕育后不之覺而太宗
已生時有慶雲見彌漫數里上屬於天二龍戲於門外水中經
三日乃冲天而去見者驚焉大業十三年望氣者云龍門有天
子氣連太原甚盛故煬帝置離宮數遊汾陽宮以厭之至是太
宗稱述此事以白高祖既舉義師旦曰太宗所居處有紫雲當
其上俄變為五色狀如飛龍武德八年拜中書令嘗夜於嘉猷
門側見一神人長數丈素衣冠呼太宗進而言曰我當令汝作
天子太宗再拜忽因不見所居引義宮中有一大池常作佳氣
鬱然高數百尺太宗心獨異之至九年其氣轉盛上屬於天六
月癸未定內難立為皇太子萬機巨細皆令取決初太宗為
秦王高祖製詩云聖德合天地五宿連珠見和風拂世民上下
同歡宴帝於宮西造宅初成高祖送玉璽以至帝所搢紳先生

相謂曰詩及玉璽蓋奉國之祥瑞者歟又有方士喬伏仁善言符命見建成元吉俱有爭心因謂所親曰秦王應天上籙當為元君此二人乃驅除耳果如所言卽隱海陵之未發也太史奏云太白入南斗秦王得天下其鋒不可當自非皇天眷顧何以臻此

高宗初為晉王貞觀十七年太子承乾得罪廢為庶人次當立者濮王太宗以晉王仁孝又以太原瑞石文云李治萬吉乃與長孫無忌房玄齡李勣褚遂良等定計立為皇太子

睿宗初生于含涼殿則天乃於殿內造佛事有玉像焉及長遊觀其側玉象忽言爾當為天子

玄宗初為臨淄郡王景龍三年出為潞州別駕境有黃龍白日上升天又視事之際吏咸見赤龍據案嘗出畝有紫雲在其上從者望而竒之四年來朝京師將行使術士韓禮筮有一著了然獨立禮驚曰策立其瑞非常之事也貴不可言既行所過之處大人迹見州人皆異之先是帝所居宅外有水池浸溢頃餘望氣者以為龍氣是年四月中宗幸其第因遊其池結綵為樓船令巨象踏之及平內難日寅時潞州聞空中語曰臨淄王誅常士相王得天下掾吏驚走遽白于刺史以掾吏狂妄留繫旬日會制到乃捨之帝自至潞州日抱戴月重輪嘉禾合穗李樹連理等凡十有九瑞

開元二年六月左拾遺蔡孚獻龍池集王公卿士以下凡百二十篇請付太常寺其辭合音律者為龍池樂章以歌聖德從之

初帝在藩與宋王等居于興慶里時人謂為五王子宅及景龍末宅內成池湧出汎灑清瑩流之不竭中有龜龍遊焉故群臣歌之八年鄭州人元承微上封事曰謹按魏典及北齊至後魏太平真君年中內學者奏言上當有天子氣在壺關大王山于時太武南巡親幸上黨掘山封石將以厭之亦猶秦始皇東遊望氣者云五百年後金陵有天子氣始皇乃改金陵為秣陵塹北山以絕其勢孫權僭號吳人以為當之孫盛晉陽秋云從始皇東遊之歲至孫權僭號之時中間四百三十七年數權未當應及晉元帝南渡始有五百二十六年以彼金行奄居四海金陵之瑞其在茲乎又按太武之後百有餘年高歡以內學之言復欲妄干符命因勒兵馬來在晉陽舍於壺關六旬而去更有上黨百姓從在晉陽因名上黨之坊實曰晉陽之地歡又居此偽以應之諭其僭應則高歡不異於孫權語以虛攘則太武有同於嬴政暗於時運豈不惜哉臣等恭尋符命壺關天子之氣正是陛下當焉玄穹上騰符命下鍾故使歷試路州所以用當其應此天意也豈人事乎然而一幸潞州三移仄瑄壺關之地歲時為菟狩之場大王之山朝夕即豫遊之所始能龍潛上黨尋乃鳳舉咸京內學之言果合符契又按內學所奏符應年曰太平真君太平則叶金辰真君則更明陛下自唐至魏三百餘年觸類而推無不僉應伏願陛下上承天意下諭人心昭告寰瀛編列國史從之

肅宗初為皇太子天寶十三載觀安祿山有勅逆之狀恐危宗

廟遂精誠祈夢其夜夢故內侍普寂等二人昇一紫案覆以黃帕自天而下直至帝前素版丹書文字甚多既寤所記者唯四句曰厥不云乎其惟其時上天所保福祿不虧十五載六月玄宗奉蜀帝幸靈武次永壽縣雲氣見西北長數丈成橋閣之狀識者以為天子氣自是紫雲擁帝所乘馬聚散不時至平涼都路傍遇一伏兔命左右索弓箭因謂左右曰吾若破賊射則中之不然則否一發而斃左右咸稱萬歲帝初發平原有雲彩見空白鶴前引出軍之後有黃龍自帝所憩屋騰空而去後於彭原郡受冊太上皇下詔曰間者日抱帶赤雀白狼之瑞接武存臻此皆皇帝聖敬之符孝友之感也

憲宗自廣陵郡王冊為皇太子時順宗即位已久而臣下未有親奏帝者內外咸言王伾王叔文專行斷決日有異說又屬預陰雨皆以為群小用事之應及將行冊禮之夕雨乃止至行事之時天景晴朗有慶雲見識者以為天意有所歸

宣宗初封光王十餘歲時遇重疾忱懅忽有光耀燭身蹶然而興正身拱揖如對臣僚乳媪以疾聞穆宗往視之撫其手曰此吾家英物非心憊也賜以玉如意御馬金帶嘗夢乘龍升天言之於鄭太后乃曰此不宜人知幸勿復言

懿宗初封鄆王嘗經重疾郭淑妃侍醫樂見黃龍出入卧內既間妃以異告帝曰慎勿復言又嘗大雪數尺而帝寢室之上獨無人皆異之大中末年京城小兒摺布水向日張之謂之揆暈又宣宗曾製泰邊陲曲撰詞云海岳宴咸通至是帝以鄆王

即位改元咸通事皆驗

昭宗即位前一日於六宅所居之邸東垣有紫氣二條若成文字俄於氣生之處發其垣獲金龍子一枚諸王及左右咸共觀見及聽政頒示百官

後唐武皇初為太原節度使以昭宗景福二年十二月狩於近郊獲白兔有角長三寸

莊宗初嗣晉王時長柳巷田家有桃樹伐已經年舊坎仍在其仆木一朝屹然而起行數十步復於舊坎其家驚駭蒼皇散走議者以漢昭帝時上林仆木起立生枝虫蠹成文而宣帝興今木理成文仆而重起亦李氏中興之符也又天祐十七年幽州人於田中得金印文曰關中龜印李紹宏使人送於行臺議并

曰關中列聖所都龜者卜年之物符璽傳授之器湮落在田乃今復見蓋王者受命之符也十八年正月魏州開元寺僧傳真獲傳國寶一送於行臺傳真之師於廣明中遇京師喪亂得之緘祕已四十年篆文古跡人不識之惟以珎物祕藏非以為國璽也興建初法物司收市寶玉傳真將鬻之玉人識而嘆曰寶國之一也何至於斯傳真且喜送於行臺帝出之以示諸將驗其文即受命八字也光彩瑩曜希世罕工群寮諸將奉觴稱賀帝曰天祚有德錫之神器頓于眇末何敢當之止於緘藏俟其真人耳二十年正月丙子朔五臺山僧獻銅鼎二枚每容二斗言於山中石崖墜裂得之形器古異識者以為中興之瑞按西漢哀平之間扶風王延年獲銅鼎二枚赤色有光後光武誅新

莽中興漢室罪者帝王重器以異為瑞不見貢金九牧質重萬鈞以為異也

明宗初在太祖左右嘗巡邊宿於鴈門逆旅逆旅媪方娠帝至媪慢不時具食腹中兒語謂母曰大家至速宜具食聲聞于外媪異之遽起親奉爨敬事尤謹帝曰媪前倨後恭詰之曰公貴不可言也問其故具道娠子腹語事帝曰慢媪遜言懼于辱耳同光末自鄴回趨白臯渡將濟以度船甚少帝方憂之忽有木柂數隻沿流而至即用以濟師故無留滯焉

末帝初在太原嘗與晉高祖因擊毬同入趙襄子之廟見其塑像屹然起立帝私心自負及為護國軍節度使一日夢明宗召至寢門與宋王各剃頭而退及寤以問賓吏皆無對者時雨池擢

鹽推官李專美在坐屏人謂帝曰將來嗣主必明公也帝心喜之又帝在岐陽曰有前為判獄吏何叟者秩其年踰七十暴卒於家見一人謂何曰陰府召君何隨之至一公宇甚嚴敞有吏憑几戒何曰召汝無他事為吾言於潞王來年三月當為天子善自愛也及蘇密告帝親要慮其妄誕不敢言月餘復卒陰官見而叱曰汝安得違吾旨不建其事何具陳為左右所阻陰官曰且於汝還可速言之何退見廊廡下有簿書狼疾以問主者曰此朝代將改升降人爵之籍也及再蘇謁劉延郎密道其事帝屏人召何入問謂曰爾雖有憑吾無以信何曰某衰老若此唯有一子請大王質之如無驗可殺之又張漾岐州之瞽者自言知術數不龜不着言事太白山神其神祠元魏時崔浩廟時

事否秦人之休咎濛告於神即傳吉凶之言房嵩泥於事神酷信之帝在岐陽嵩引濛謁見聞帝語聲駭然曰非人臣也令嵩詢其時即傳神語曰三珠併一珠驢馬没人驅歲月甲庚午中興戊己土嵩請曰神言予不知也長興四年五月府解諸門無故自動人頗駭異遣嵩問濛濛見嵩來未交言先問嵩衙署小異無恠不出三日有恩命其夜報至封潞王及帝被疑除鎮甚恐再三執濛初濛曰且為被王保無患及王思同兵將至又召濛謂之曰爾言無患今天下兵來萃我城下內無兵食外無援助得無患乎濛曰王有天下不能獨立朝廷兵來迎王也王若疑臣臣惟一子未及冠請王致之麾下以質臣心及帝入洛受太后冊曰御明堂宰相讀冊文維應順元年歲次甲午四月庚午朔帝迴視房嵩曰張濛神言甲庚事不亦異乎帝令嵩共術士解三珠一珠事言三珠三帝也驢馬無人驅失主也又帝在岐時有人已死復生言帝必登大位二十三年好事者附其意言帝小字二十三又云潞字一足入洛時石壕人胡保通會天文帝亦召問之曰王至貴不可言若有舉動宜以乙未年舉兵又問曰今歲歷法名陰節首王者不宜建功立事王且狹今主侯來歲入朝則福祚永遠帝姓王氏真定房山人也邑南三里里堡名曰王子則所生之地地稱王子亦有符焉既即位以族兄為令訪名未獲守先舊廬植松櫟以為墳園其側有古佛剎剎有石像忽搖動不已人駭而告令令趣之復余時甚異焉

晉高祖初為河東節度後唐末帝出師重圍晉陽帝遣心腹何

福單騎求援北蕃蕃王自將諸部赴之不以繒帛不以珠金若
響應聲謂福曰吾已兆於夢皆上帝命我非我意也時援兵未
至唐將張敬達引軍逼城設柵柵將成忽有大風雨暴起柵無
以立後築長連城城欲就又為水潦所壞城竟不能合晉陽有
北宮宮城之上有祠曰毗沙門天王帝曾焚修默而禱之經數
日城西北闔正受敵處軍候報稱夜來有一人長丈餘介金執
笏行於城久方不見帝心異之又牙城有僧坊曰崇福坊之廡
下西北隅有泥神神之首忽一日有煙生其騰郁如曲突之狀
坊僧奔赴以為人火所延及俯而視之無所有焉事尋達帝帝
召僧之膺高者問焉僧曰貧道見莊宗將得天下曾有此煙觀
其噴湧盛於當時可知矣自此曰傍多有五色雲氣如蓮芰之
狀帝召占者視之謂曰此驗應誰占者曰見處為瑞更應何人
又帝每詰旦使人慰撫守陴者率以為常忽一夕已暝城上有
號令之聲聲不絕者三帝使人問之將吏云從上傳來人皆知
其神助時城中忽有數處井泉暴溢不止及蕃軍大至合勢破
唐師之衆如拉朽焉斯天運使然非人力也先是朱梁改元之
始即天祐之四年也潞州行營使李思安奏壺關縣庶穰鄉鄉
人伐樹樹倒自分兩片內有六字如左書云天十四載石進梁
主藏於武庫時遣祠臣李琪答詔嘉其瑞焉然莫詳其義至帝
即位人以為雖有國姓計其甲子則二十年有奇矣議者曰天
字取四字中兩畫加之於傍則丙字也四字去中之兩畫加十
字則申字也帝即位之年乃丙申也又易云晉者進也國號太

晉皆符契焉又即位之前一年年在乙未鄴西有柵曰李固清
淇合流在其側柵有橋橋下大鼠與蛇鬪鬪及日之中蛇不勝
而死行人觀者數百識者志之後唐末帝果威於申

少帝初為金吾上將軍天福三年從高祖幸大名其年遇旱高
祖遣祈雨白龍潭焚請未罷有白龍見於潭心是日澍雨尺餘
人甚異之

漢高祖初仕為河東兵馬使嘗因事至代北遮虜軍路側有唐
衛公李靖祠遇戍卒乘酒以索戲繫其神之頸卒尋致損時戍
長邑老玄陳祈禱以解之而了無應驗帝乃為祝曰公本朝名
將精爽在天雖庸輦褻瀆誠當其責而人既有請良可恕焉因
焚香致拜卒者俄蘇傳其神語曰非此大貴人救不可免也聞

者神其事後為河東節度使天福十一年天下水太原葭蘆茂
盛最上一葉如旗狀皆南指焉明年遂即帝位

隱帝始高祖鎮太原周太祖握蕃漢兵要常侍帳中參決戎政
時令少帝監符璽頗相戲狎暨從征鄴城旦夕同侍一日詰旦
語太祖曰我夜來夢尔為驢負我昇天既捨尔乘俄變為龍捨
我南去何祥也笑而言曰公為驢作少意智勿空見玩撫掌而
罷為左衛大將軍高祖欲改年號中書進擬乾和二字高祖改
為乾祐與帝名相符帝名乾祐帝微有風痰每連唾不止目多閃掣
即位之始遽無恙

周太祖微時嘗晝寢如有小虺五色出入顴鼻之間柴后遽見
愕然便竒之特傾資無惜后恐人騰口貽患每寢戒左右俾以

屏蔽之其在太原時有神居同姓見太祖謂李瓊曰我宗天上
大仙當為世界主瓊詰其故曰頂上有肉角也
後唐清泰末時所居官舍之鄰吳氏有青衣住娘者為山魃所
魅鬼能人言而投瓦石鄰伍恐悚無敢過吳氏之舍而性剛者
強詣必瓦石交下太祖聞而過之言笑侮戲移時寂然如是者
再太祖去鬼言如故或謂鬼曰爾既神聖向者客來又何寂然
鬼曰向來者大人也繇是軍中大異之及為樞密使北征率師
如澶淵旭旦日邊有紫氣來當太祖馬首之上高不及百尺從
官視而異之至鄴都一夕在山亭院齋忽有黃氣起于前繚繞
而上遽際于天太祖於黃氣中仰見星文紫微文昌爛然在目
駭曰予在室中而見天象不其異乎密告知星者乃拜賀曰坐
見天衢物不能隔至貴之祥也異日又於衙署中有紫氣起於
幡竿龍頭之上凡二日觀者異之及討李守貞於河中帝嘗於
東砦大陳師旅鉦鼓錚鞞旗幟光曜守貞登陴下瞰氣色不懾
獨言曰是何言變後城中人言見太祖軍上有紫氣如樓閣華
蓋之狀故也

蒸者哉

太昊伏羲氏受龍圖畫八卦有景龍之瑞炎帝神農氏致大火之瑞嘉禾生醴泉出黃帝軒轅氏有土德之瑞故號黃帝天下既定聖德光被群瑞畢臻有屈軼之草生於庭佞人入朝則草指之是以佞人不敢進有景雲之瑞有赤方氣與青方氣相連赤方中有兩星青方中有一星凡三星皆黃色以天晴明時見於攝提名曰景星

一云景星見形如半月可以夜作

黃帝黃服齋於中宮坐於

玄扈洛水之上有鳳皇集于東園或巢於阿閣或鳴於庭其雄自歌其雌自舞麒麟在囿神鳥來儀有大螻如羊大蟻如虹黃帝以土氣勝遂以土德王五十年七月庚申天霧三日三夜晝昏黃帝問天老力牧容成曰於公何如天老曰臣聞之國安其

主好文則鳳皇居之國亂其主好武則鳳皇去之今鳳皇翔於東郊而樂之其鳴音中夷則與天相副以是觀之天有嚴教以賜帝帝勿犯也乃召史卜之龜焦史曰臣不能占也其問之聖人帝曰已問天老力牧容成矣史北面再拜曰龜不違聖智故焦霧除游于洛水之上見太魚殺五牲以醮之天乃甚雨七日十夜魚流于海得圖書焉龍圖出河龜書出洛赤文篆字以授軒轅軒轅接萬神於明庭今寒門谷口是也又獲寶鼎帝南巡狩至於東濱澤獸出能言達萬物之情

少昊金天氏登帝位有鳳皇之瑞

帝嚳高辛氏代高陽氏王天下使鼓人拊鞀擊鍾鳳皇鼓翼而舞

帝堯在位七十年景星出翼鳳皇在庭朱草生嘉禾秀甘露醴泉出日月如合璧五星如連珠厨中自生肉其薄如萋搖動則風生食物寒而不臭名曰萋脯又有草夾階而生月朔始生一莢月半而生十五莢十六日已後日落一莢及晦而盡月小則一葉焦而不落名曰萋莢一曰歷莢帝舜即位萋莢生於階鳳皇巢於庭擊石拊石百獸率舞景星出房地出乘黃之馬西王母獻白環玉玦舜命禹平水土四海之內咸戴帝舜之功於是禹乃興九韶之樂致異物鳳皇來翔天下明德皆自虞帝始夏禹即天子之位洛出龜書六十五字是為洪範此謂洛出書者也禹南巡狩濟江中流有二黃龍負舟舟人皆懼禹笑曰吾受命於天屈力以養人生也死命也奚懼龍哉龍於是曳尾而逃禹卑宮室盡力溝洫百穀用成龍女降

湯有神牽白狼銜鈞而入商朝金德將盛銀山自溢

周武王即位天下歸之周德既隆草木茂盛蒿堪為宮室因名蒿宮

成王時周公旦攝政七年制禮作樂鳳皇見萋莢生乃與成王觀于河洛沈璧禮畢王退俟至於日昧榮光並出黃河清慶雲至青龍臨壇樹玄甲之圖坐之而去禮于洛亦如之玄龜青龍蒼光至於壇皆甲刻書赤文成字周公援筆以世文寫之書成文消龜墮甲而去其言自周公訖于秦漢盛衰之符騏驎遊苑鳳皇翔庭成王援琴而歌曰鳳皇翔兮於紫庭余何德兮以感靈賴先王兮恩澤深于胥樂兮民以寧周公東征諸侯咸服宗

周天降祉福唐叔得禾異畝同穎一作穗穎獻之成王成王命

唐叔以餽周公於東土作餽禾周公既受命嘉禾天子之命作

嘉禾後魏書靈徵志曰成王時治政太平黑狐見

穆王征西戎得四白狼白鹿

漢文帝十五年春黃龍見於成紀又日中有王字

景帝時會稽人朱仲獻三寸四寸珠明月珠王者不殺麟介之物則出

武帝元狩元年十月郊雍獲一角獸若鹿然鹿屬也形似麋牛尾一角

有司曰陛下肅祗郊祀上帝報享錫一角獸蓋麟云於是以薦

五時加一牛以燎賜諸侯白金以風符應合於天也

元鼎元年汾陰巫錦名錦巫為民祠魏睢后土營旁魏故魏國也汾睢本魏地

之境故云魏睢也見地如鉤狀掬視得鼎掬謂手把也鼎大異於衆

鼎文鏤無款識款刻也識記也恠之言吏吏告河東太守勝勝以聞天

子使驗問巫得罪無姦詐迺以禮祠迎鼎至甘泉從上行薦之

以鼎從行其泉將薦之天至中山晏温三輔謂日晴霽為宴宴而温乃有黃雲故為異也中讀曰仲即今雲陽之

中山也下雲合有黃雲焉有鹿過帝自射之因之以祭云至長

安公卿大夫皆議尊寶鼎天子曰問者河溢歲數不登故巡祭

后土祈為百姓育穀今年豐楙未報鼎曷為出哉楙美也稼穡美也未報者

獲年豐而未賽也一日雖祈穀而未獲年豐之報也張敞引此詔文云穀噉夫報噉者少也有司皆言聞昔

恭帝興神鼎一恭帝昔即太昊伏羲氏也一者一統天地萬物所繫象也黃

帝作寶鼎三象天地人禹收九牧之金九牧九州之牧也鑄九鼎象九

州皆嘗觴享上帝鬼神以享祀上帝也觴享者一也觴享鬻而祀也韓詩米類曰予以觴之唯錡及釜

其空足曰鬲足中空不實者名之曰鬲也以象三德三德一曰正直二曰剛克三曰柔克事見周書

范洪 響承天祐也祐福 夏德衰罪遷於殷殷德衰罪遷於周周德衰

罪遷於秦秦德衰宋之社亡罪乃淪胥而不見周頌曰自堂徂

基自羊徂牛雞罪及雞不吳不教胡考之休周絲衣之詩基門

謂之雞園鼻上謂之雞吳雞詳也考壽也休美也言報祭祀者

或升堂室或升門塾視牛羊之牲及舉大小之罪告其致繫神

降之神故獲壽考之美曰今罪至甘泉以光潤龍變承休無疆

休壽之美者嘆之言也

合茲中山有黃白雲降言罪至甘泉之後光潤變見若龍之神

能幽明能小大乘此休福無窮竟也有

黃白雲降與初至中蓋若獸之為符言甘泉之雲又若路子乘

山黃雲之瑞相合也

矢集獲壇下於路大也四矢日乘又報祀大享惟受命而帝者心

知其意而合德焉高祖受命知之宜見罪於罪宜視宗禰廟減

於帝庭以合明應視讀曰示宗謂先帝有德可尊者制曰可時

又有芝草生甘露殿房中天子為塞河興通天臺若有光云塞為

河及造通天臺而有神迺下詔甘泉房中生芝九莖赦天下毋

令復作

元封二年六月詔曰甘泉宮內中產芝九莖連葉上帝博臨不

異下房言天廣臨不以下房為幽賜朕引休其赦天下賜雲陽

都百戶牛酒作芝房之歌

四年三月祠后土詔曰朕躬祭后土地祇見光集于靈臺一夜

三燭燭謂幸中都宮殿上見光其赦汾陰夏陽中都死罪以下

六年三月詔曰朕禮首山昆田出珎物化或為黃金祭后土神
光三燭其赦汾陰殊死以下
太初三年二月行幸東海獲赤鴈
後元元年二月詔曰朕郊見上帝巡于北邊見群鶴留止以不

羅罔廉所獲獻

時春也非用罔羅時故無所獲也

薦于泰時光景並見其赦天

下

昭帝始元元年二月黃鵠下建章宮太液池中

黃鵠大鳥舉千里者公卿

上壽

三年十月鳳皇集東海遣使者祠其處

三年中鳳皇北下東海西樂卿

宣帝本始元年五月鳳皇集膠東千乘

二年六月尊孝武廟為世宗告祠世宗廟日有白鶴集後庭以

立世宗廟告祠孝昭寢有鴈五色集殿前西阿築世宗廟神光

興於殿旁有鳥如白鶴前赤後青神光又興於房中如燭狀廣

川國世宗廟殿上有鍾音房戶大開夜有光殿上盡明

四年五月鳳皇集北海安丘淳于

二縣皆屬北海

地節二年四月鳳皇集魯群鳥從之

元康元年三月以鳳皇集泰山陳留甘露降未央宮赦天下徒

四年三月神爵五采以萬數集長樂未央北宮高寢甘泉泰畤

殿中及上林苑

神爵元年三月幸河東祠后土有神爵集詔曰延元康四年嘉

穀玄稷降于群國

玄稷黑粟也

神爵仍集全芝九莖產于函德殿銅

池中

函德殿名也銅池承雷也以銅為之

九真獻奇獸

駒形鱗色牛角仁而愛人

南郡獲白虎

威鳳為寶朕之不明震于环物飭躬齋精祈為百姓東濟大河

天氣清淨神魚舞河幸萬歲宮神爵翔集

汾陰有萬歲宮

其以五年為

神爵元年

二年正月乙丑鳳皇神爵甘露降集京師群鳥從以萬數

四年二月詔曰迺者鳳皇甘露降集京師嘉瑞並見修興泰一
五帝后土之祠祈為百姓蒙祉福鸞鳳高舉飛覽翱翔集止于
旁齋戒之暮神光顯著薦鬯之夕神光交錯或見于天或登于
地或從四方來集于壇上帝嘉嚮海內承福其赦天下

十月鳳皇十一集杜陵

十二月鳳皇集上林

五鳳三年二月行幸河東祠后土詔曰朕飭躬齋戒郊上帝祠

后土神光並見或興于谷燭耀齋宮十有餘刻甘露降神爵集

鸞鳳又集長樂宮東闕中樹上

門外闕樹行馬之裏樹也

飛下止地文章五

色留十餘刻吏民並觀其赦殊死以下

甘露元年四月黃龍見新豐

二年正月詔曰乃者鳳皇甘露降集黃龍登輿醴泉滂流枯槁

榮茂神光並見咸受禎祥其赦天下

三年二月鳳皇集新蔡群鳥四面行列皆鄉鳳皇立萬數

黃龍元年二月黃龍見廣漢郡

成帝鴻嘉元年冬黃龍見真定

永始二年二月龍見于東萊

四年正月行幸甘泉郊泰畤神光降集紫殿

元誕四年三月甘露降京師

平帝元始元年正月越裳重譯獻白雉一黑雉二

後漢光武建武二年野穀族生麻菽尤盛野蚕成繭於山阜人

收其利焉

先是王莽末天下旱蝗黃金一斤易米一斛

十二年夏甘露降南行唐縣名屬常山縣

六月黃龍見東阿今洛州縣

十三年九月南越獻白兔

十七年十月有五鳳皇見于潁川之邾縣邾今邾城縣也東觀記曰鳳高八尺五彩

群鳥並從行列蓋地數頃停一十七日

中元元年五月京師醴泉湧出飲之者痼疾皆愈惟耿蹇者不

瘳又有赤草生於水崖

赤草朱草也朱草日生一葉至十五日以後日落一葉周而復始郡國

頻上甘露群臣奏曰地祇靈應而朱草萌生孝宣帝每有嘉瑞

輒以改元神爵五鳳甘露黃龍列為年紀蓋以感致神祇表彰

德信是以化致升平稱為中興今天下清寧靈物仍降陛下情

存損挹推而不居豈可使祥符顯慶沒而無聞宜令大史撰集

以傳末世帝不納常自謙無德每郡國所上輒抑而不當故史

官罕得記焉

明帝永平六年二月王雒山出寶鼎雒或作雒廬江太守獻之四月

甲子詔曰昔禹收九牧之金鑄鼎以象物使人知神姦不逢惡

氣夏禹之時令遠方圖畫山川奇異之物使九州之牧貢金鑄鼎以象之令人知鬼神百物之形狀而備之故人入山林川

澤謂魁魍魎之類莫能逢之惡遭德則興遷于商周周德既衰鼎乃

淪亡史記曰周鼎七入泗水中秦始皇過戒欲出周鼎於泗水使千人沒水求之不得祥瑞之降以應

有德方今政化多僻何以致茲易曰鼎象三公易曰鼎折豈公足覆公餗

卿奉職得其理耶太常其以禘祭之日禮記曰夏祭周以禘也夏物未成祭常簿

陳鼎於廟以備器用

十一年溧湖出黃金廬江平太守以獻溧湖名在廬江時麒州合肥縣東南

麟白雉醴泉嘉禾所在出焉

十七年正月甘露降於甘陵是歲甘露仍降樹枝內附芝草生

殿前神雀五色翔集京師

章帝建初四年甘露降泉臨洮陽二縣

二縣屬零陵郡

五年零陵獻芝草有八黃龍見於泉陵

見零陵泉陵湘水中相與戲其二大如馬有角

六枚大如駒無角

七年十月幸槐里岐山得銅器形似酒罇獻之又獲白鹿於臨

平觀

元和二年二月丙辰東巡狩己未鳳皇集肥城

縣名屬大山郡辛未幸

太山柴告岱宗有黃鵠三十從西南來經祠壇上東北過于宮

屋翱翔升降

五月詔曰乃者鳳皇黃龍鸞鳥比集兩郡或一郡再見及白鳥

神雀甘露屢臻祖宗舊事或班恩施其賜天下吏爵人三級

九年詔鳳皇黃龍所見亭部無出二年租賦

鳳皇見肥城句歲亭槐樹上古今注

日黃龍見洛陽元延亭部

三年正月車駕北巡以太牢祠北嶽山見黃白氣有神魚躍出

十數

章和元年七月詔曰乃者鳳皇仍集麒麟並臻甘露霄降嘉穀

滋生芝草之類歲月不絕今改元和四年為章和元年自元和

二年以來至章和元年凡三年麒麟五十一鳳皇百三十九黃

龍四十四青龍白龍神鳥神馬白虎二十九白燕白兔赤鳥三

足烏白雀九尾狐木連理嘉禾華平朱草芝英白雉並見郡國

帝在位十三年郡國所上符瑞合於圖書者數百千所

和帝時前後符瑞八十一所自稱德薄皆抑而不宣

安帝元初三年正月東平陸兗州名上言木連理三月東平陸有

瓜異處共生八瓜同蒂

延光元年八月九真言黃龍見無功無功縣屬九真郡

二年六月九真言嘉禾生百五十六本七百六十八穗

三年二月濟南上言鳳皇集臺縣丞霍收舍樹臺縣屬濟南郡故城在濟州平

北陵縣

四月沛國言甘露降豐縣

六月扶風言白鹿見雍

七月馮翊言白鹿見甘露降頻陽衙潁川上言木連理白鹿麒麟

麟見陽翟

八月潁川上言麒麟一白虎二見陽翟

九月濟南上言黃龍見濟南歷城

十月新豐上言鳳集西界亭

十二月瑯琊言黃龍見瑯琊諸縣名

四年正月東郡言黃龍二麒麟一見濮陽

桓帝建和元年二月黃龍見沛國譙

五月芝草生中黃藏府中黃藏府中中帑帛金銀諸貨物也

二年四月嘉禾生大司農帑藏

七月河東言木連理又有嘉瓜兩體共蒂

元嘉元年四月白鳥見商國

十一月鳳皇見濟陰

二年八月濟陰言黃龍見句陽金城言黃龍見允街

永興元年二月張掖言白鹿見

二年四月光祿府吏舍夜壁下有青氣得玉鉤玦各一鉤長七

寸三分玦周五寸四分身中皆雕鏤

永壽元年四月白鳥見齊國

延熹三年四月上郡言甘露降

九年四月濟陰東郡濟北平原河水清

永康元年八月魏郡言嘉禾生甘露降巴郡言黃龍見

十一月西河言白兔見

一云白雉

靈帝熹平五年沛國言黃龍見譙

光和四年二月郡國見芝莢草

七月河南言鳳皇見新城郡鳥隨之

魏文帝黃初元年十一月受漢禪紫於繁陽有黃鳥銜舟書集

于尚書臺於是改元為黃初是月九尾狐見甄城又見譙郡國

十九言白鹿及白麋見郡國三十七言甘露降郡國三言嘉禾

生郡國十九言白雀見郡國十九言白鳩見郡國二言木連理

朱草生文昌殿側郡國二言醴泉出神龜出於靈池鑊中生赤

魚

四月冬甘露降芳林園

明帝太和元年四月洛邑初營文昭甄后廟据地得玉璽方一

寸九分其文曰天子羨思慈親明帝為之改容以太牢告廟

景初元年正月荏縣言黃龍見
高貴鄉公甘露元年五月鄴及上谷並言甘露降於是改元
陳留王咸熙元年安彌福祿縣各言嘉木生

二年二月胸臆縣獲靈龜以獻

四月南深澤縣言甘露降

晉武帝泰和元年十二月鳳皇六青龍二麒麟各一見于郡國
黃龍見洛濱白龍二見太原郡木連理生遼東方域白虎河南
陽翟又見弘農陸渾

二年正月白虎見遼東樂浪又見天水西

六月嘉捺一蒂十實生酒泉

八月木連理生河南成臯是年鳳皇六青龍十黃龍九麒麟各

一見于郡國

三年正月白龍二見于弘農

四月張掖太守焦勝上言氐池縣大柳谷口見有玄石一所白
畫成文實大晉之休祥圖之獻詔以制幣言于大廟藏之天

府

五年正月青龍二見滎陽二月白龍見于趙國

五月鳳皇見于趙國

七月白兔見北海即墨長獲以獻

六年四月白龍二見于東莞

七年六月東宮玄圃池芙蓉二花共蒂皇太子以獻

八年正月木連理生東平范陽

五月白鳩二集大廟南門議郎董胃獲以獻是月木連理生東平壽張

十月木連理生建寧白鹿見扶風雍州刺史嚴詢獲以獻是月瀘水胡王彭護獻嘉禾

十年四月甘露降西河離石

咸寧元年正月木連理生女陰南頓

四月白麋見瑯琊趙王倫獲以獻是月甘露降張掖白雉見安豐松陽

五月甘露降清河驛幕

九月甘露降太原晉陽

十二月白雉白雀見梁國睢陽梁王彤獲以獻

二年四月木連理生清河

五月甘露降玄菟郡治

六月木連理生燕國

十月黃龍二見於漢嘉靈關白兔二見河南陽翟陽翟令華衍獲以獻

十一月白龍二見于梁國

三年二月白虎見沛國

七月白麋見魏郡是月木連理生始平鄠

十一月白雉見渤海饒安相阮溫獲以獻

四年六月白兔見天水

八月木連理生陳留長垣

五年二月白麟見于平原鬲縣

六月甘露降巴郡南充國

七月白鳥見於隰太守獲以獻

九月麒麟見河南陽城

十一月青龍見京兆霸城是年木連理生義陽

又生樂安臨濟

太康元年正月木連理生涪陵永平

三月白鹿見零陵泉陵

四月木連理生頓丘是月白麟見于頓丘

五月白鹿見天水西縣太守劉辛獲以獻又白鳥見襄城木連

理二生濟陰乘氏沛國

七月白鹿見零陵零陵令蔣微獲以獻是月木連理生馮翊粟

邑

八月白鹿見永昌南罕又白龍三見於永昌

九月白雉見中山

二年正月木連理生滎陽密

六月白雀二見河內太守阮侃獲以獻是月白雀二見河南河

南尹向雄獲以獻

七月白雉見太僕寺

八月白兔見彭城

十月白兔見趙國平鄉趙王倫獲以獻是月木連理十三生南

安源道

三年四月木連理生瑯琊

閏四月白龍二見于濟南歷城

六月嘉瓜異體同蒂生河南洛陽輔國大將軍王濬園是月木

連理生廣陵海西

八月白麋見梁國蒙梁相解隆獲以見

四年正月木連理生馮翊臨晉蜀郡成都

七月白虎見建平

十一月白兔見北地富平

十二月嘉禾生扶風雍是月白鳩見安定臨涇

是月木連理生扶風

五年三月甘露降東宮

七月嘉禾生豫章南昌

九月白麋見義陽

六年八月白龍見于京兆陰槃

七年三月木連理生河南新安

四月甘露降京兆杜陵

五月白麋見汲郡是月甘露降魏郡鄴

六月木連理生南鄉范陽

七月白雀見豫章

八年閏三月嘉禾生東夷校尉國

四月木連理生廬陵東昌

八月白雀見河洛陽

九月嘉禾生東萊掖是月木連理生東萊盧鄉

十二月白兔見陳留酸棗關內侯成公忠獲以獻

九年九月木連理生陳留浚儀

十二月青龍黃龍各一見於魯國

十年五月白兔見京兆長安是月白雀見宣光北門華林園令

孫邵獲以獻

六月嘉麥生扶風郡一莖四穗是歲收三倍

十月白虎見犍為

十一月木連理生鄱陽鄡鄉是年白鳩見河南城

太熙元年二月木連理生河南梁

惠帝元康元年四月白鳥見河南城臯縣令劉機獲以獻

五月白鳥見梁國睢陽是月木連理三生成都臨邛

七月白燕二見酒泉福祿太守索靖以聞是月白鳥見陳留獲

以獻是月梁國內史任式上言武平界有柞櫟二樹合為一體

連

九月白鹿見交阯武寧

四年五月甘露降樂陵郡

十月白兔見鄱陽

七年三月成臯縣獄有龍升天

愍帝建興元年六月甘露降西平縣

八月嘉禾生襄平縣一莖十穗

二年三月木連理生朱提是月木連理生益州隻栢

六月木連理生襄平是月嘉禾生平州治三實同蒂

九月麒麟見襄平刺史崔苾以聞

十月太將軍劉琨掘地得玉璽使參軍郎碩奉之歸于京師

三年四月赤雀見平州府倉

七月嘉禾生襄平異體同蒂

八月甘露降新昌縣

十一月白雉見襄平

元帝建武元年三月丹陽江寧民虞由墾土得白麒麟重一紐

文曰長壽萬年

四月尚書僕射刁協獻白雀

五月白鹿見高山縣

六月甘露降壽春

閏六月木連理生高山縣

八月木連理生汝陰

十一月木連理生武昌是月木連理生汝陰太守以聞

太興元年正月麒麟見豫章

七月木連理生武昌

三年正月白鹿二見豫章

四月甘露降瑯琊費是月白鹿見晉陵延陵

十一月木連理生零陵永昌

永昌元年九月白鹿見江乘縣

二年正月赤鳥見暨陽

明帝太寧二年正月巴郡言甘露降

十一月白鳥見京都

三年三月白鳥見吳郡海虞獲以獻郡官畢賀

成帝咸和元年十月辛卯宣城春穀縣山岸摧獲石鼎重二斤受斛餘

四年四月甘露降武昌郡閣前柳樹太守以聞

五月白鹿見零陵洮陽獲以獻

七月長沙郡邏吏黃光於南郡道遇白鹿驅之不去直來就光追尋光三百餘步光還抱卧遣吏李堅奉獻

六年三月甘露降寧州城內北園榛桃樹刺史以聞是年鎮西將軍庾亮獻嘉橘一蒂十二實

七年四月甘露降京邑揚州刺史王導以聞

八年四月甘露降廬江襄安縣蔣胃家又降宣城宛陵縣之須里

五月麒麟騶虞見于遼東白虎見新昌縣是月木連理生昌黎

九年四月甘露降吳國錢塘縣石鄉康巷之柳樹

五月白麋見吳國吳縣白鳶見吳國錢塘內史虞潭以獻

八月白鹿見長沙臨湘

十二月甘露降建平陵又降武平陵

咸康元年四月甘露降西堂桃樹

二年三月甘露降鬱林城內

四月甘露降西堂又降尚書都堂桃樹又降會稽永興山陰及

吳興武昌

七月白鹿見豫章望蔡太守桓景獲以獻

三年三月木連理生平州世子府治故園中

四月甘露降殿後桃李樹

五月甘露降義興縣陽羨里柞樹東西十四步南北十五步

五年豫章南昌民掘地得銅鍾四枚太守褚裒以獻

七年四月甘露降彭城王紘第內衆官畢賀

十二月吳國內史王恬上言木連理生吳縣沙里

八年九月廬江春穀縣留珪夜見門內有光取得玉鼎一枚外

圍四寸豫州刺史以獻

穆帝永和元年二月春穀民得金勝一枚長五寸狀如織勝明

年桓溫平蜀

三月廬江太守永上言於春穀城北見水岸邊有紫赤光取得

金狀如印遣主簿李邁表送是月甘露降廬江郡內桃李樹太

守承以聞

八月白麋見吳國吳縣西界包山獲以獻

五年二月臨海太守藍田侯述言郡界木連理

十一月太常劉邵上崇平陵令王昂即日奉行陵內甘露降于

玄宮前殿

十二月甘露降丹陽湖熟縣西界劉敷墓松樹縣令王恬以聞

衆官畢賀

八年十二月白麋見丹陽永世永世令徐該獲以獻

十二年九月白兔見鄱陽太守王者之獲以獻
十二月白麋見梁郡梁郡太守劉遂獲以獻

升平三年十二月北中郎將郗曇獻白兔

四年二月鳳皇將九雛見于豐城十一月鳳皇復見豐城衆鳥
隨之

五年二月南掖門有馬足陷地得銅鍾一枚

四月鳳皇見于沔北

海西公太和元年四月陽穀獻白兔

簡文帝咸安二年正月甘露降隨郡灑陽縣界桑木沾凝十餘
里中

三月騶虞見豫章

孝武帝康寧三年六月江寧縣建興里僑民留康家有樹異本

連理

太元三年七月乙酉老人星見南方

十年七月丁巳老人星見

十一年四月瑯琊費有榆林異根連理相去四尺九寸

八月白鳥集江州寺庭群鳥翔衛

十二年八月甘露降寧州界內刺史費統以聞

十四年六月寧州刺史費統上言所統晉寧之滇池縣舊有河

水周迴二百餘里有神馬二足一白一黑出於河中去岸百步

縣民董聰見之

十一月白虎見豫章郡

十五年三月白兔見淮南壽陽

閏月甘露降永平陵

十六年三月白鹿見豫章望蔡獲以獻

十一月甘露降白陽縣是月白雀見南海增城縣民吳比屋

十七年二月甘露降南海番禺縣楊樹

十八年五月白鹿見江乘令田熙之獲以獻

十月臨川東興令惠欣之言縣東南溪傍有白銀樹芳靈樹李樹並連理

十九年正月華林園延賢堂西北李樹連理

二月行輦令劉啓期行温令趙邛並言白虎頻見

二十年九月白鹿見巴陵清水山荊州刺史殷仲堪以獻

二十一年正月木連理生南康寧都縣社後

五月白鳥見吳國獲以獻

安帝隆安二年十月新野言騶虞見

二年武陵臨沅獻安石榴一蒂六實

十一月木連理生汝陽太守垣苗以聞

五年十一月襄陽言騶虞見于新野白雀見宜都是月白鹿見

長沙白麇見荊州刺史桓玄以聞

元興元年正月木連理生泰山武陽

二年十月甘露降武昌王成基家竹

三年三月甘露降丹徒

四月甘露降蘭臺

六月白雀見豫章新塗獲以獻

義熙元年南康雩都高山有金鷄青黃色飛集巖間

二年四月無錫壽陽並獻白兔

七年五月白雉見豫章南昌

十二年六月左衛兵陳陽於東府前淮水中得玉璽一枚

監本冊府元龜卷之二十二

新刊監本冊府元龜卷之二十三

帝王部 二十三

符瑞第二

後魏道武登國六年十二月帝獵親獲鹿一角召問群臣皆曰鹿當二角今一角是諸國將并之應也

皇始元年十一月黃星又見先是有大黃星出於昂畢之間

天興二年七月并州獻白兔

是月并州獻白雉

是月獲嘉禾於平城縣異莖同穎

八月廣甯送嘉禾一莖十一穗平城南十里郊嘉禾一莖九穗

告于宗廟

三年四月有木連理生于代郡天門關之路左

五月東巡狩廣寧有白兔見于乘輿前獲之

八月渤海蓆縣東光縣木連理各一

十二月豫州上言木連理生于河內之郡縣

四年正月并州獻白兔

是月上黨郡獻白雉

三年正月渤海上言東光縣木連理

是月渤海郡高城縣獻白雉

三月渤海郡南皮縣獻白雉二

六月頓丘郡獲白兔

八月嘉禾生於渤海郡東光縣

是月廣寧郡上言木連理

十一月中山行唐縣獻白雉

四年正月新興郡獻白雉

十二月又獻白雉二

五年白雉見于河內郡

七年九月溫泉出于涿鹿人有風寒之疾入者多愈

八年五月鴈門獻白雉

太武始光三年五月洛州獻黑兔

四年六月甘露降于太學

神龜元年二月定州獲白麕鹿白麕鹿又見于樂陵因以改元

是月相州獻白雉

是月甘露降于范陽郡

九月章武郡獻白兔

是月滄水郡獻白雀

十月魏郡獻白兔

三年二月上黨郡獻白雉

四月甘露降于鄴

六月甘露降于平城宮

七月嘉禾生于魏郡安陽縣三本同穎

三年二月白鹿見于代郡倒刺山

三月甘露降于鄴

七月冀州獻白龜

四年二月渤海郡獻白兔

九月滎陽郡上言木連理

五月甘露降于河西

延和二年三月樓煩南山木連理

三年三月樂安王範獲玉璽一文曰黃帝璽以獻

九月上谷郡上言木連理

太延元年二月魏郡上言木連理

四年十二月相州獻白鹿

五年二月遼西上言木連理

太平真君元年四月甘露降于平原郡

二年七月天有黃光洞照議者僉謂榮光也

七年二月青州獻白兔
四月戊子毀鄴城五層佛圖於泥像中得玉璽二其文皆曰受命於天既壽永昌其一刻其傍曰魏所受漢傳國璽

八月五月鴈門郡獻白雀

是月洛州送白鹿

文成興安二年六月營州送大龜

興光元年二月有雲五色所謂景雲太平之應也

大安二年七月甘露降于常山郡

十月白鹿見于京師西苑

三年三月有白狼一見于太平郡

議者曰古今瑞應多然白狼

太平嘉名也又先帝本封之國而白狼見焉無窮之徵也

和平二年七月甘露降于京師

三年四月河內人張超於懷樓新城北故佛圖處獲玉印以獻

印方二寸其文曰富樂日昌永保無疆福祿自臻長壽萬年玉

色光潤模制精巧百僚咸曰神明所授非人為也詔天下太

三日

十月雲中獲白兔

四年閏月鄴縣獲白兔

三月冀州獻白龜

孝文延興元年十一月秘書令楊崇奏鍾律郎李生於京師見

長生連理樹

是月肆州秀容民獲麟以獻

十二月徐州竹邑戍士邢德於彭城南一百二十里得著一株
四十九枝下掘得大龜獻之詔曰龜著與文相合所謂靈物也
德可賜爵五等

二年正月青州獻白雉

二月白雉見於扶風郡

四月幽州獻白鵲

三年五月白雀見于代郡

六月京師獲太龜

四年正月青州獻白雀

九月白鵲見中山

五年正月白雉見于上谷郡

四月白兔見于代郡

承明元年六月秦州獻白鹿

八月白兔見于雲中

是月齊州獻嘉禾

是月上谷郡民獻玉印上有蛟龍文

是月定冀二州俱獻白鵲

九月京兆民獻青玉璧一雙文色炳煥

是月并州上言木連理相去一丈二尺中有五枝相連

十一月定州獻白鵲

是月冀州獻白鳩

太和元年正月白鹿見於秦州青州

二月秦州獻白雉

三月白雉見於秦州

是月白鹿見於秦州

是月武川鎮玉印青質素文其文曰太昌

是月冀州上言木連理

六月雍州周城縣獻白兔

是月雍州獻玉印又長安鎮獻玉印一上有龜紐下有文字色

甚鮮白有殊常玉

十一月白雉見于安定郡

二年三月白鷺見于并州

七月白鳥見于涼州

九月有鼎出於洛州渚洛水送於京師

是月白鳥見于京師

十一月徐州獻白雉

是月洛州獻白鵲

是月徐州獻黑狐

是月秦州獻五色狗

十二月懷州獻白麋

三年正月統萬鎮獻白雉

三月齊州獻五色狗其色如畫

是月吐京鎮獻黃兔

是月肆州獻一角鹿

是月白鳥見于豫州

五月獲白狐

五月白麋見于豫州

是月白雀見于豫州

六月撫冥鎮獲白狐以獻

七月定州鉅鹿民獻玉印二方七分上有文字

九月齊州獻嘉禾

是月白鳥見于秦州

十月徐州獻嘉瓠一蒂兩實

四年正月南豫州獻白雉

是月南豫州獻白鹿

五年六月上邽鎮將上言於鎮城西二百五十里射獵於營南

千水中遂得玉車釧三枚二青一赤制狀甚精

八月常山獻嘉禾

六年三月豫州獻白雉

七年六月青州獻三足鳥

是月定州獻嘉禾

八年正月上谷郡惠化寺醴泉涌

四月白鷺集于京師

是月代郡獻白鷺

六月徐州獻白兔

是月徐州獲黑鳥以獻

是月齊州清河郡獻白雉

十年三月冀州獲九尾狐以獻

十一年十一月冀州獲九尾狐以獻

十三年正月司州河州各獻白狐狸

是月清河武城縣獻白雀

十一月滎陽獻三足鳥

十四年六月懷州獻三足鳥

十七年正月幽州獻白雉

四月瀛州獻白雉

五月冀州獻三足鳥

六月京師木連理

是月兗州獻白鳥

十八年十月河南上言鞏縣木連理

是月瀛州獻白兔

十九年六月司州平陽郡獲白鳥以獻

七月司州獲白鹿麕以獻

二十年三月兗州獻白雉

六月司州獻白鹿

是月豫州獻三足鳥

二十一年七月汲郡獻黑兔

是月京師獲白兔

二十三年正月華州獻白麇

二月涼州獻赤鳥

六月冀州獻三足鳥

七月瀛州獻白鳩

八月滎陽郡獻白鳩

九月荊州獻白鷺

閏月正平郡獻白鷺

十月并州上言百節連理生懸甕山濟州上言木連理

十二月瀛州上言木連理

是月司州獻白鳥

是月獲黑兔

宣武景明元年四月荊州獻白鹿

五月徐州獻三足鳥

七月齊州獻嘉禾

十一月河州獻白兔

二年正月瀛州上言平舒縣木連理

六月有雲五色見於申酉之間

十二月南青州獻蒼鳥

三年正月潁州郡上言木連理

是月徐州獻白雉

二月冀州獻白雉

是月豫州獻三足鳥

是月平陽郡上言襄陵縣木連理

是月河州獻白狐

三月濟州獻赤雀

四月荊州上言南陽縣木連理

是月潁川郡獻白兔

六月滎陽郡獻白雀

是月涇州獻白鷺

是月徐州上言東海木連理

七月齊州獻嘉禾

是月魯陽獻烏芝

是月涇州獻白鳩

八月甘露降於青州新城縣

是月河內郡獻白兔

十月秦州上言南稻新興二縣木連理各一

是月薄骨律鎮獻白雀

四年二月趙平郡上言鶉觚縣木連理

三月齊郡上言臨淄縣木連理

是月博煌鎮獻白雀

四月汾州上言五城郡木連理

五月京師獲白雀

是月青州上言莒縣木連理

是月獲赤雀於京師

六月幽州獻四足烏

是月常農盧氏縣木連理

是月徐州上言梁郡下邑縣木連理

是月常農郡獻白雀

是月河內郡獻白兔

七月京師獻白雀

是月夏州獻黑兔

八月嘉州獻嘉禾

九月秦州上言當亭四縣界木連理各一

正始元年二月冀州獻三足鳥

三月河南郡獻黑兔

四月魯陽郡獻白兔

五月司州上言滎陽京縣木連理

是月幽州獻三足鳥

是月相州獻三足鳥

六月京師西苑木連理

是月定州獻三足鳥

七月河東郡上言聞喜縣木連理

八月濟州獻嘉禾

是月河南郡上言慈州濱木連理

十月常農郡峭縣木連理

是月京師獲白鳩又建興郡獻白鳩

十二月涼州上言石城縣木連理

二年正月汾州上言平昌縣木連理

二月司州上言崞縣木連理

四月并州獻白鳩

五月司州獻白鳥

是月肆州獻三足鳥

是月雍州獻蒼烏

六月齊州獻嘉禾

是月雍州獻蒼烏

七月冀州獻白鳩二

是月魯陽郡獻嘉禾

是月薄骨律鎮獻白雀

八月司州獻嘉禾

是月東郡獻白兔

九月後軍將軍爾朱新興獻一角獸

是月司州上言潁川陽翟縣木連理

是月河內郡獻黑兔

是月肆州獻白兔東郡獻白兔

三年三月齊州獻白雉

是月豫州獻三足鳥 豫州又獻三足鳥

四月獲白雀於京師

六月汾州上言永安縣木連理

是月京師木連理

二年正月汾州上言平昌縣木連理

二月司州上言崞縣木連理

四月并州獻白鳩

五月司州獻白鳥

是月肆州獻三足鳥

是月雍州獻蒼鳥

六月齊州獻嘉禾

是月雍州獻蒼鳥

七月冀州獻白鳩二

是月魯陽郡獻嘉禾

是月薄骨律鎮獻白雀

八月司州獻嘉禾

是月東郡獻白兔

九月後軍將軍爾朱新興獻一角獸

是月司州上言潁川陽翟縣木連理

是月河內郡獻黑兔

是月肆州獻白兔東郡獻白兔

三年三月齊州獻白雉

是月豫州獻三足鳥 豫州又獻三足鳥

四月獲白雀於京師

六月汾州上言永安縣木連理

是月京師木連理

七月潁州陽翟縣上言木連理

是月建德郡上言石城縣木連理

是月薄骨律鎮獻白兔

是月冀州獻嘉禾

是月夏州獻白鳩

九月肆州獻白兔

是月潁州郡獻白鳥

十月河州獻白雀

是月青州獻白雉

十二月雍州獻白雀

四年二月豫州獻白雀

四月河內郡獻白兔

七月潁川獻白鳥

十一月秦州獻白雉

永平元年四月瀛州民獲玉印一以獻

四月京師獲赤雀

是月豫州獻三足鳥

是月潁川獻白鳥

是月濟州獻白兔

是月有司上言潁川郡木連理

五月河內獻黑兔

六月洛州獻白鳩

十月甘露降於青州益都縣

是月樂安郡獲白兔

二年二月相州獻白兔

四月河內郡獻白雉

是月河內獻蒼烏

是月司州上言常農北陝縣木連理

六月河南獻白雉

十二月豫州獻白雉

三年七月京師獲白雀

八月滎陽獻嘉禾

十月白狐見于汲郡

十一月夏州上言橫風山木連理

四年八月平州獻白鹿

延昌二年正月徐州上言建陵戍木連理

五月齊州獻白鹿

八月平陽郡獻白烏

三年正月司州上言軹縣木連理

六月冀州獻白烏

七月豫州獻白兔

是月河南郡獻白雀

十一月秦州獻白雀

孝明以延昌四年正月即位二月冀州獻白雉

二月豫州獻三足鳥

是月京師獲白雉

三月冀州上言信都縣木連理

是月河南獻白兔

四月兗州獻白狐

五月滎陽獻白雀

六月司州獻白鹿

是月京師木連理

八月河南獻白兔

是月秦州獻白雀

是月青州獻白雀

九月雍州上言鄠縣木連理

是月河內獻白兔

是月常州獻白雀

是月洛陽獲白雀

是月相州獻白狐

十一月荊州獻白雀

十二月幽州獻白雉

閏月汾州獻白狐二

是月岐州獻白雉

熙平元年正月光州上言曲城縣木連理

是月定州獻白雀

二月赤鳥見肆州秀容郡

是月相州獻白雉

三月肆州獻白雉

四月汲郡獻三足鳥

是月京師再獲白雀

五月濟州獻白鹿

六月冀州獻蒼鳥

七月中宮獲白雀

是月京師獲白鷺

十一月肆州獻一角獸

二年正月金出岐州橫水縣赤粟谷

三月徐州獻白麋

是月徐州獻白雉

四月東郡獻三足鳥是月豫州獻三足鳥

兖州又獻三足鳥

是月豫州獻白兔

是月華州獻白雀

五月司州獻白鹿

是月東郡獻白兔

六月相州獻白雀

是月薄骨律鎮獻白雀

是月京師獲白兔

七月京師獲白雀

八月薄骨律鎮獻白雀又京師獲白雀

是月幽州獻嘉禾三本同穗

九月汲郡獻白鳩

十一月京師獲白雀

是月鄆善鎮獻白兔

是月京師木連理

八月正平郡獻白兔

九月正平郡又獻白兔

是月徐州獻一角獸

十月京師獲黑兔

三年二月涼州上言榆中縣木連理

三月青州上言平昌郡木連理

七月京師獲白雀

四年二月揚州上言汝陰縣木連理

八月涼州上言顯美縣木連理

正光元年正月徐州獻白兔

四月濟州獻三足鳥

五月冀州獻白兔

是月并州上言上黨東山谷中木連理

六月京師獲白雀

四月濟州又獻三足鳥

十月幽州獻白鳥

十一月濟州上言濟南郡靈壽山木連理

二年三月南青州獻白狐二中木連理

閏月東郡獻三足鳥

六月光州獻白雀

是月齊州上言魏郡逢陵縣木連理

七月朔州獻嘉禾

三年二月夏州獻白雉

是月涼州上言榆中縣木連理

三月清州上言平昌郡木連理

四月京師獲白雀

五月徐州獻白兔二又冀州獻白兔一

是月東郡獻三足鳥潁州郡許昌縣獻三足鳥

肆州獻三足鳥

六月冀州獻三足鳥

是月滎陽郡獻白雀 是月平陽郡獻白狐

是月并州靜林寺僧在陽邑城西椽谷掘藥得玉璧五珪十玉

印一玉柱一玉盖一並以獻

八月光州獻九尾狐

是月肆州獻嘉禾一根生六穗

是月濟州獻白雀是月光州獻白雀

是月徐州上言龍亢成東木連理

九月白雀見舍人省

十月甘露降華林園栢樹

四年正月京師獲白鵲

二月揚州上言汝陰縣木連理

三月光州獻白雉

五月平陽郡獻白狐

六月瀛州獻三足鳥

是月京師獲白雀

七月京師獲白雀

八月京州上言顯美縣木連理

是月甘露降顯美縣

孝昌元年十月魏郡元城縣木連理

三年四月河南獲赤雀以獻

前廢帝普泰元年五月河內獻蒼鳥

出帝太昌元年四月京師獲白雀

六月日初出有大黃氣成抱

後周閔帝元年正月辛丑即天王位是日槐里獻赤雀

二月秦州涇州各獻木連理

五月槐里獻白鷺

明帝元年三月長安獻白雀

六月長安獻白鳥

七月順陽獻三足鳥群臣上表稱慶詔曰夫天不愛瑤地稱表

瑞莫不威鳳巢閣圖龍躍沼豈直日月珠連風雨玉燭是以鉤
命訣曰王者至孝則出元命苞曰人君至治所有虞舜蒸蒸降
茲異祉周文翼翼翔此靈禽文考至德下覃遺仁爰彼遠符千
載降斯三足將使三方歸本九州翕定惟此太禮景福在民予
安敢攘宗廟之善弗宣大惠可大赦天下文武官並進二級

二年十月長安獻白兔

武成元年四月戊午武當郡獻赤烏秦州獻白馬朱鬣

武帝保定元年二月弘農上言九尾狐見

五月晉公護獲玉斗以獻

二年四月南陽獻三足烏湖州上言見二白鹿從三角獸而行

十二月益州獻赤烏

三年二月渭州獻三足烏

三月益州獻三足烏

九月蒲州獻嘉禾異畝同穎

五年郢州獲綠毛龜

九月益州獻三足烏

十一月岐州上言一角獸見

天和元年四月益州獻三足烏

二年三月己卯皇太子於岐州獲二白鹿以獻

六月襄州上言慶雲見

七月辛丑梁州上言鳳皇集於楓樹群鳥列侍以萬數

五年七月鹽州獻白兔

建德元年九月扶風掘地得玉杯以獻

三年五月荊州獻白鳥

十月雍州獻蒼烏

十二月利州上言騶虞見

六年六月應州獻芝草

八月甲子鄭州獻九尾狐皮肉消盡骨體猶具

九月甲申降州獻白雀

隋高祖開皇元年二月甲子即位是月京師慶雲見

三月高平獲赤雀太原獲蒼烏長安獲白雀各一宣仁民槐樹

連理衆枝內附又蓋屋縣連理樹植之宮庭

三年二月涇陽獲毛龜京師醴泉出

四年正月渝州獲獸似麋一角同蹄

十五年七月晉王廣獻毛龜

煬帝太業四年五月蜀郡獲三足鳥張掖獲玄狐各一

十二月... 十一月... 十月... 九月... 八月... 七月... 六月... 五月... 四月... 三月... 二月... 一月... 唐高祖武德元年五月隴州獻嘉麥一莖六穗

新刊監本冊府元龜卷第二十四

帝王部 二十四

符瑞第三

唐高祖武德元年五月隴州獻嘉麥

六月虞州獻嘉麥一莖六穗

七月京師慶雲見

八月永州獻嘉禾異畝同穎

九月益州言景雲見

十一月藍田玉山南嶺有樹連理

十二月麟州見芝草一株紫莖黃蓋是年新豐鸚鵡谷水清代

傳云此水清天下平開皇之初暫清尋濁至是復清

二年正月寧州獻白雉壬子麟州獻白鹿

二月涪州言李樹連理

閏二月沁州言慶雲見又渝州言甘露降

三月安昌縣言太行山聖人崖響云唐國興治萬年

四月獻李樹連理盤屈如龍

六月澤州言騶虞見

七月益州獻嘉禾一莖六穗

九月合州言慶雲見又梓州言景雲見

十月河州言慶雲見

三年二月鄴州言一角獸見鹿身五色牛尾馬蹄

三月甘露降於華陰又甘露降於御史臺

五月郟州獻瑞石有文曰天下萬年

七月靈州言白龍見商州言白狼見鄴州言麟見

四年二月白狐見玄武門絳州言甘露降肅州獻嘉禾一莖五

穎

四月慶州言景雲見

六月方州言慶雲見益州獻芝草如人狀亳州上言老子廟枯

樹生枝葉

五年正月代州言慶雲見豐州言騶虞見梁州言野蠶成繭百

姓得而用之

六年西沙州言甘露降彌漫一十五里益州言慶雲見管州言

麟見

七年陝州獲白石璽一紐章與傳國璽同仁州言騶虞見長安
古城監渠水生鹽色紅白而味甘狀如方印遼州獲玄兔萬年
縣言甘露降九月丹州言河水清
八年四月赤雀巢於殿門宴五品以上上頌者十餘人極歡而
罷連州言甘露降徧於城郭

九年正月西韓州獻芝草異莖同蓋
二月蒲州言河水清

四月甘露降于中華殿之桐樹凝如水霰以示群臣

六月於納義門獲白雀一已卯雅州涇陽縣生嘉禾異畝同穎
是月益州獻白鹿陝州言白狼見

七月幽州慶雲見海州言鳳皇見于城上群鳥數百隨之東北

飛向蒼梧山徐州言慶雲見

太宗以武德九年八月即位是月丙午宋州言慶雲見辛未秦
州景雲見雋州言鳳皇見

九月洛州言赤雀見秦州言慶雲見乙未定州言景雲見辛州
言鳳皇二見群鳥隨之其聲若八音之奏辛酉利州言慶雲見
壬戌林州獻禎石隱起成文曰聖主某太吉子孫五千歲素質
玄字篆隸相叅西麟州言麟見

十月沂州言騶虞見

十二月鄭州言玄狐見

貞觀元年閏三月甘露降於長安縣

五月豫州言白狼見

十月和州言鸞見

二年三月宜州言白狼見

六月長安縣獻嘉禾戊戌廓州言白狼見

九月甘肅獻白馬朱鬣

十月安州言騶虞見

三年四月甘露降于雍州

五月癸亥龍見玉女泉乙丑幽州言麟見

七月宣州言甘露降壬子申州言木連理

十二月潞州獻嘉禾

四年三月赤雀見於萬年縣

五年二月雋州慶雲見

四月甘露降于萬年縣

六年四月楚州言騶虞見癸卯醴泉出丹霄殿之西命公卿以

上示之因置酒於側賜帛各有差

七年二月醴泉湧出于絳州之香溪痼疾者飲之多愈

八年四月沂州言白鹿見

九年閏四月衡州言騶虞見

五月萬年縣獲白雀戊申和州言棠樹連理

十月黎州言鳳皇見

十一月瀛州見白狼

十二月京師蒼鳥見揚州獻白雀是月獲麟於德州

十年二月白鹿見于九成宮之冷泉谷

三月襄州言騶虞見

八月洛州言鳳皇見

十一年五月麟見京師之後苑

九月醴泉出痼疾者服之皆愈

十二年六月滁州言野蠶成繭於山阜

九月楚州野蠶成繭徧於山谷濠州廬州獻野繭

十月隰州言青龍見營州獻玄狐

十三年正月濟州見白鹿

三月吉辰廐產白馬朱駿

八月幽州獻嘉禾一莖九穗

十四年二月陝州言河水變清司空無忌等詣闕上表曰臣聞

崑崙戴極導玄液以周天積石流源委滄波而括地俯作神州

之紀仰膺上帝之宮水德靈長斯其謂矣故能道符千載位長

百川瑞馬開圖發榮光於遠代應龍闢壤致宅土於遐年自此

不追寂寥難俟天之祚聖復在於茲伏惟皇帝陛下則哲承基

窮神闡化功絲寓外德耀瀛表文教蔚乎三五至道格乎天地

是以禎凝數澤慶溢風煙丹井輝竒青丘表異嘉苗合穎入豐

膳以鳴鍾天駟躡雲播頌聲於綴兆西鷄南雉之貴日至月書

連珠湧醴之徵雲飛霧集宜其展事羸里仰告成功出豫介宜

方騰茂實猶且宵衣旰食若有追而不逮對越嘉祉乃固辭而

弗居遂使萬玉韜華三神舐望西皇佇詔申以德永之祥東岳

希封勗以清河之貺伏見陝州刺史房仁裕狀稱所管界內二

百餘里正月元日黃河載清謹按易乾鑿度曰聖人受命河水
清京房飛候曰河水清天下太平由是納渭含涇混流同潔凌
門洶澤別派俱清馬頰馳波詳觀若鏡龍門激箭回眺飛空拍
天之典煥然水夷之都可見千尋朗徹俯映玄珠一曲澄鮮遙
觀紫貝盡河宗之奧秘洞水府之仙靈豈非天鑒詳明不愛其
道神心昭著在感斯通何幽顯合符人祇交際理灼形見若斯
之効歟臣等沐道醉心觀祥駭目披圖迭聽曠古無聞寔慶生
涯親承旦暮詔荅曰嘉瑞爰降必資至德太河效祉寔為希世
顧惟寡昧但增慙惕乃天地表祥宗社垂祐欲使四海隆平八
荒禋福王公卿士內外庶僚宜勉脩正道以副靈貺焉三月秦
州言河清

七月白龍見于富平

九月杭州言青龍見

十五年二月開州言白龍見

三月肅州言所部川原遍生芝草

四月慶州言騶虞見冀州獻白狼

五月癸未廬山府獻白鹿乙酉安禮門御榻產芝五莖

六月滁州言青龍見庚子商州言慶雲見

七月洪州獻玄珪滄州言青龍見丁亥靈州言景雲見

八月嘉州撫州各言慶雲見衡州言白鹿見

九月滄州言龍見

十一月幽州言五色雲見

十六年正月宣州言慶雲見

七月朔鄜州言白龍見温州各言景雲見

八月申州獻白雉

九月金州言青龍見

十月滑州獻白狼

十一月箕州言景雲見湖州言慶雲見

十二月宋州言青龍見

十七年三月杭州言木連理二十四株有楂黎二木合為一體有雄雌飛集東宮顯德殿前太宗問群臣曰頃來頻有雉集是何祥也諫議大夫褚遂良曰昔秦文時有童子化為雉鳴者鳴於陳倉雉者鳴於南陽童子言曰得雉者王得雌者霸文公遂以為寶鷄祠漢光武得雉遂起南陽而有四海陛下舊封秦王故雉鳴見于秦地既古來將為祥貺所以彰表明德太宗曰立身之道不可無學遂良所對深為可重

五月雍州獻三足鳥已未湖州言甘露降潤州言慶雲見華平出於玄武門之池懷州獻白狼湖州言慶雲見

閏六月柳州言慶雲見丹州獻白鹿

七月鄜州言慶雲見辛卯常州言青龍見

八月涼州言昌松縣鴻池谷有石青質白章為文曰高皇海出多子李九王八千太平天子李士民王千年太子李治書燕山人士樂太國主尚汪諤獎文仁道千古太王五王六王七王十五鳳毛才子七佛八菩薩及上果佛佛田天子文武貞觀昌大

聖廷四方上下萬里忠者仙戈八為善

九月魏州言慶雲見皇太子寢室產紫芝二十四莖竝為龍興鳳翥之形

十一月并永滌州景雲見鄭州河水清懷州河水清永州言慶雲見鄆州獻白狐

十八年正月嘉州言青龍見台州言甘露降嵩州言慶雲見四月豫州言白龍見

五月鄆州獻白狼

六月辛亥鄭王府獻白狐瀛州言慶雲見

七月會州言青龍見郎州言青龍見壬午滌州言景雲見

八月唐宋蘭鄧洛五州言慶雲見曹洛二州言景雲見趙州獻

白鹿

九月汝州言青龍見

十月洛州言慶雲見山南獻木連理交錯玲瓏有同羅目一丈之餘并枝者二十餘所

十一月湖州言慶雲見

十九年二月岳州獻毛龜二滌州言駙虞見

十月老人星見

十一月費州言慶雲見渠州言青龍見

二十年正月汝州言甘露降

二月潮州言慶雲見戊午許州獻白狼

二月德州言景雲見鄭州言一角獸見景戌冀州景雲見

四月房州言赤雀見

五月襄州言慶雲見景申澤州言甘露降

七月安州言白龍及慶雲見穀州言景雲見

八月老人星見

九月澤州言白鹿見

十月亳州言甘露降

十一月雍州言甘樹一株有十八處連理李樹生芝莢赤紫莖
光色鮮麗陝州言有石理成文曰李君王三字汾州言青龍白
龍見白龍吐物初在空中有光如火至地陷入二尺掘之則玄
金之形團斜廣高六七寸豐州言五色雲見兗州言青龍見
二十一年四月兗州鸞見易州言慶雲見

六月始州言景雲見淄州言鳳凰見壬申臺宋二州各言慶雲
見白龍見于鄆州懷荊二州言景雲見辛酉趙州言慶雲見
七月懷襄同鳳瀘宋亳遂綏等州言慶雲見鄆州言白龍見
八月綏州言慶雲見

九月崖州言白龍岷州言慶雲見老人星見閬州言景雲見
十月南代州騎虞見戊戌綏州言慶雲見

二十二年正月玉華宮李樹連理隔澗合枝

二月懷州河水清原州言景雲見

六月洮州言白龍見循州言景雲見

七月襄州言慶雲屢見定襄都督府言慶雲見

八月昭州洪州言慶雲見

九月晉州言慶雲見巴州沂州皆言慶雲見遂州涪水中獲古
鼎受五石三斗傍有銘刻取初風雨晦冥響若洪鍾

十二月絳縣代路五州竝言慶雲見

閏十二月郎州言慶雲見

二十二年三月代州言慶雲見

四月壬辰靈州河水清

高宗永徽五年六月濟州言黃河清一十六里皎然澄澈是歲

太稔洛州米斛至兩錢半粳米斗至十一文

顯慶元年二月岐州獻一角獸

五月岐州五龍見于星石泉

龍朔元年二月益縣等五州皆言龍見於是改元

六月兗州青龍三十九見

三年十二月詔以絳州麟見於介山含元殿前琅臺閣內竝觀

麟跡改來年正月為麟德元年在京及雍州諸縣見繫囚徒各

降一等杖罪以下竝免之

上元三年十一月陳州上言鳳凰見於宛丘縣

睿宗唐隆元年六月甲辰即位大赦天下是日慶雲見於東方

丙午揚州上言慶雲白雉見

七月己巳冊玄宗為皇太子是日有景雲之慶改元為景雲元

年

景雲二年六月洛州上言兩岐麥

八月以高祖舊宅有柿樹天授中已經枯死至是重生因而太

赦天下

十月寧州上言嘉禾異畝同穎江州上言神泉湧

十二月光州上言李樹連理

三年正月有事於南郊是日嘉氣四塞

太極元年五月戊寅睿宗有事於北郊是日東南有紫氣扶日上

延和元年六月涼州上言赤雀見

玄宗先天二年八月江州獻靈龜六眸腹下有玄文象卦文懷州上言有嘉禾四穗

十月有事於太廟是日慶雲見

開元元年十二月有麟見于峽州遠安縣之鬼谷仙洞

二年正月丙寅涼州獻朱駿尾白馬庚午原州獻肉角羊

八月太子賓客薛謙光獻東都九鼎銘其豫州鼎銘武后所製文曰犧農首出軒昊膺期唐虞繼踵湯禹乘時天下光宅域內

雍熙上降玄祉方建隆基宰相姚崇盧懷慎等奏曰聖人啓運休兆必彰故化馬為龍預流謠頌秀為天子早著真符臣等今見薛謙光所獻東都鼎銘太聖天后所製其文云上降玄祉方建隆基豫州處天地之中所以遠包四海銘文獨聖后所製固必先感二儀靈慶昭彰曠絕今古臣等忝陪近侍喜萬常情請宣示史官并頒示內外許之

七年閏七月魏州奏闕鄉縣桃林鄉醴泉湧出揚州湊揚子縣一角獸見

八月老人星見其色黃明而大

八年正月甘露降

五月德州奏平原縣麥一莖兩歧分秀

八月老人星見

十二月隰州慶雲見壁州甘露降齊州嘉禾生鄂州芝草生徐州獲白野鷄岐州獲白鷺進之

九年三月汝州奏魯山縣之堯山有白鵲見於許昌縣之唐祠

掘地得古銅罇上又隱起雙鯉篆書文曰宜子孫竝請宣付史

官從之

五月降州奏正平大平兩縣瑞麥七莖兩穗一莖四穗

十月洪州慶雲見

十一月新州奏蘭溪縣芝草生

十一年正月行幸北都紀功於太原府之南街有連理李樹及

連理甘棠生於太原縣

二月祠后土于汾陰之睢土太史奏榮光出河休氣四塞徘徊

遶壇日揚其光有司奏脩壇掘地獲古銅鼎二其大者容一斗

色皆青又獲古甄長九寸上有篆書千秋萬歲及長樂未央字

又有赤兔見于壇側

十一月祭酉日長至太史奏曰平明陰雲祁寒及其日出有雲

迎日又有祥風至須臾日上有黃白冠及日南有珥臣謹案黃

帝占云冬至之日陰雲祁寒來歲大稔人安五穀豐登又曰風

不及地和緩而來謂之祥風王者德至於天則祥風起日冠且

不及地和緩而來謂之祥風王者德至於天則祥風起日冠且

珥人主有嘉竝太平之嘉應臣請宣付所司許之
十二年五月溱州慶雲見太原獻異馬駒其耳如筒左右各一
十六筋肉尾無毛
六月景申光州五色雲見乙巳河南府之告成縣王利文家瑞
麥生穗分岐一莖三秀利文上表曰陛下往在藩邸扈從三陽
在臣宅上休憇臣宅北坂之下陛下以為裘場自夏徂秋往來
遊賞其地因感聖氣今有瑞麥生苗或六穗分榮或一莖數秀
方圓縱橫不離塲邊自非至德潛通豈有瑞應若此詔賜利文
絹三十匹遣之

十月合州慶雲見

閏十一月豫州言白麋見

十三年五月甲申瑞麥生於河南府之壽安縣勸農使宇文融
上表稱賀甲午潞州白鹿見戊戌以親製西嶽碑示百僚有五
色雲見于前己亥代州甘露降

九月兗州奏白雀見

十月丁卯太史奏白雀見壬申萬年人王慶築垣掘地獲寶鼎
五獻之四鼎皆有銘銘曰垂手尊鼎萬福無疆子孫永寶用丁
丑白雀見于行宮

十一月丙戌封禪至泰山之下戊子有雉野鷄飛入齋宮馴而
不去又之飛入仗衛忽不見邠王守禮等賀曰臣謹案舊典雌
來者霸雄來者王又聖誕酉年鷄主於酉斯蓋王道遐祚天命
休禎請宣付史官以彰靈貺從之己丑日南至上備法駕登山

至齋室其夕陰靈慘烈勁風四起裂幕折柱寒風切骨上露立
析晴仰天自誓曰某身有過請即降罰萬人無福亦請某為當
罪應時風雨止天地清宴日氣和煦及升壇休氣四塞登歌奏
樂有祥風自南而至絲竹之聲飄若天外及禪社首五色雲見
日重輪及還山下之齋宮有慶雲隨馬祥風繞路詩中書令張
說等蹈舞拜
賀帝曰朕以薄德忝膺大宝雲物休治皆是輔弼之力君臣相
保勉副天心長如今日不敢矜急說等又奏曰聖心誠懇昨夜
齊居則息風反雨今朝封祀則天清日暖復有祥風助樂鄉雲
引燎靈跡盛事自古未聞陛下文思慎終如初長福萬姓天下
甚幸

十四年八月梓州言慶雲見通州言芝草生

九月晉州神山縣玄元皇帝廟柑子樹兩枝連理合成一枝

十月己巳帝自汝州之温湯時有五色鸚鵡能言育於宮中而

帝令左右試牽御衣鳥輒瞋目叱咤岐王文學能延景因獻鸚
鵡篇以贊其事帝以鳥及延景詩示百寮尚書左丞相張說上
表賀曰伏見天恩以靈異鸚鵡及能延景所述篇出示朝列臣
案南海異物志有時樂鳥鳴皆曰太平天下有道則見臣驗其
圖丹首紅臆朱冠綠翼與此鸚鵡無異而心聰性辨護主報恩
故非常品凡禽實瑞經所謂樂鳥也延景雖賦其事未正其名
望編國史以彰聖瑞許之

十二月丙午越州李樹連理癸丑邢州申州各言慶雲見

十五年四月彭州言白兔見

八月壬寅海州白麋見丁丑資言慶雲見

閏九月億歲殿生芝草一莖

十月汝州言嘉禾生蘭州言慶雲見

十六年三月京兆府三原縣浪井出

七月慶雲見拉仙州葉縣

十一月日南至帝御含元殿受朝賀太史奏黃雲扶日請付有

司從之

十七年五月庚寅有靈芝產於太廟第九室殿柱甲寅有赤雀

見於翼州一雄一雌

六月有浪井出梓州

十月睦州獻竹實

十八年四月辛酉壽州獻白鵲甲午嘉州奏楠木生連理枝廣

州獻紅鸚鵡

五月辛丑徐州奏慶雲見甲辰陝州奏靈芝產

六月甲申沁州奏月抱瑞彩揚光五色乙酉鄂州奏景雲見

十九年二月癸未皇太子鴻等奏曰一昨正月二十七日伏見

陛下於興慶宮親耕三百餘步既而清光紫氣覆地

四月己卯揚州奏穰生稻二百一十頃再熟稻一千八百頃其

粒與常稻無異壬辰河南府登封縣唐村李嗣谷當陽山南白

石文舊有帝字新生上字識者以為聖明之應河南尹孟溫禮

奏賀

六月癸未有浪井出于卬州之龍興觀之平地泛溢五色相輝

浮彩彪炳壬申芝草生於京城之勝業寺一本七莖心黃外紫

八月辛巳上降誕之日有黃雲三道于西方

九月乙未莫州任丘縣孝悌鄉嘉禾生庚申婺州永康縣嘉禾生一莖五穗神羊產于京兆之興平縣名之二十年三月有一角獸肉角當頂白毛上捧識者以為獬豸

二十一年二月衢州獲魚有銘獻之侍中裴光庭等奏賀

六月庚子眉州獻寶鼎重七百斤無耳足有篆書數字時渝州刺史段懷本奏此鼎到臣州界之對溪驛雲霧暗合有白虹通鼎臣恐淪失不勝驚懼請至合州取陸路至京許之癸丑蓬州奏枯樹上李枝結實絳州奏龍興觀池同心蓮一莖

八月癸亥沂州產紫芝三莖是月五更二籌後南方景上老人星見其色黃白太史奏曰臣謹案春秋文曜鉤云王者安靜則老人星臨其國主壽昌萬人安常以秣分節候之南郊今應期

而見請付所司從之

二十二年五月河州慶雲見

八月幽州奏千秋節日有慶雲見於夷軍又軒轅黃帝廟中古井湧浪泛濫又安次縣百姓家產連理樹及大麥一本一十八

莖穗秀兩歧

十月尚書左丞相蕭嵩率百寮奏曰伏見所司奏今年祥瑞祥風起日抱戴嘉禾秀芝草生甘露降醴泉湧木連理瓜同蒂竹再生李成實馴鳩玄鶴慈烏鵲鵠寶鼎魚銘錢刀甄字等二十有一事臣聞惟德感神惟祥祚聖有欲之而莫致或不召而自彰蓋所謂天之輔仁福之先見者伏惟開元神武皇帝陛下狗齋敦敏欽明光宅三靈以泰百度惟貞故感應日聞珎符歲積

蓋祥風者昭乎蹄令抱戴者表以納忠嘉禾主於同文芝草明於敬老甘露洒神靈之液醴泉發德澤之滋草木秀其地靈羽毛呈其天瑞其餘山川異器用殊姿舉而必然不可勝紀也斯竝玄天幽贊黃靈合德非大聖不能降其祥非太平不能當其應請宣付史官傳於後代上手詔報曰虔奉宗社昭事天地幸蒙垂祐降此禎祥豈自厥中以彰其外歸之於朕是用多慙宜付史官依卿所奏

二十三年二月丁未縣州白鹿見己酉安州慶雲見

五月丁卯藍州有浪井出及醴泉滂湧癸未晉州慶雲見

六月丙戌文州慶雲見壬子京兆富平縣瑞大麥生一莖五穗

華州下邽縣瑞大麥生一莖三穗京畿採訪使御史中丞盧真

奉賀

八月幽州長史張守珪奏榆關內有蜉蝣蟲食田稼蔓延入平州界俄頃有群雀來食此虫一日食盡平州稼穡無有傷者

九月乙丑楚州慶雲見

十月沂州芝草生一莖九寸十枝乙未京兆府奏藍屋縣嘉禾

生戊申揚州奏獲毛龜其色青庚戌朔州奏甘露降加禾生

十一月楚州陵州會州竝言慶雲見沂州密州皆奏芝草生

十二月龍池聖德頌石自鳴其音清遠有如鍾磬百官等上表稱賀

二十四年三月獲瑞獸首耳形類虎尾長於身有豹文能食虎

七月辛巳沂州慶雲見瑞麥生壬午台州鄆州竝言慶雲見乙

酉荊州萬州竝言慶雲見

八月戊申常州有神龜見綠毛黃甲庚戌老人星見黃色明靜而大太史奏曰臣謹案春秋文耀鉤王者安靜則老人星見孫氏瑞應圖云王者承天則老人星見臨其國又黃帝占云老人一名壽星色黃明大則主壽昌天下多賢士伏惟陛下以千秋節日記于星壇而祭期將臨美應先至知曆數之方永嘉萬壽之期昌請付史官以光典策許之

二十五年四月丁卯幽州慶雲見

五月丁丑白鵲見戊寅河清

八月丁未千秋節宴群臣於勤政樓下太史奏曰今日卯時有祥雲出東方及其樂作非煙燭於西北巳午之時日有抱戴伏以陛下聖曆方永福履無疆游臻嘉瑞之符載洽繞樞之日臣等不勝忭躍請宣付史館許之

十月庚申宰臣李林甫牛仙客祭南北郊有瑞氣縈壇祥風拂地太史奏今日

陛下虔報豐稔昭祭神祇臣謹候天地清謐星辰明朗初祭則樽俎適陳祥風拂地既奠之後瑞氣縈壇其風則暢和緩之候其氣乃蓄龍鳳之色臣謹案王者德至於天則祥風起又堯沈璧于河休氣四塞伏惟陛下一德馭物而天神薦祉盡皇王之靈貺躋蒼生於仁壽請宣付所司編入史策許之

十一月青州奏日光五色

十二月泗州奏日抱戴

二十七年七月己卯蒲州刺史韓朝宗奏新置靈真觀有慶雲見連理樹生壬午河西隴右節度使蕭照討吐蕃太破之有慶雲見于陣前白兔舞于營中請編史策許之

二十八年陝州青州皆言慶雲見

四月庚辰有慈烏巢于紫宸殿之宮侍中牛仙客中書令李林甫上表賀曰臣竊伏因侍奉之際天恩令臣亦親觀此烏巢陛下孝悌之至通於神明仁慈所育豈獨黎庶故得上玄叶應靈鳥呈瑞翺翔不離於庭際栖集必歸於軒檻或人俗所有但止於園林今聖感而來乃巢於殿拱依人無懼戀主愈馴博考圖籍未之有也臣等幸忝樞近親親觀休祥望頒示中外以彰靈感手詔報曰所聞不如所見故引鄉等觀之頒示寰中俯依來請

辛巳又有慈烏巢於宣政殿之拱仙客林甫又上表賀曰陛下孝友因心慈仁被物故得上帝儲祉靈鳥發祥高棟重樞共瞻爰止前軒內殿皆覩來巢視之彌馴逼而不懼休佑重沓而交應徵求古今而未聞臣等何人妄觀嘉瑞望與前狀同宣中外克紀禎符手詔報曰兩殿巢禽其義一也但有慙德深謝于茲頒示四方隨鄉所請

二十九年正月亳州刺史鄭愿奏玄元黃帝廟中之井湧氣成雲五色相映

三月甲申滑州刺史李邕獻馬一疋表云其馬肉踪鱗臆嘶不類馬聲日三百里邕任淄青刺史日遇一老翁云聖主將得龍馬以應太平邕遂於青州馬會思家獲而獻之己丑亳州奏老

君廟九井先涸自奉詔增脩觀于九泉皆湧及樹已枯復榮
四月甲寅深州奏連理甘棠樹生于陸澤縣甲州温州奏曰抱
戴揚光五色

五月戊午有白雀白鳥見于原州之平源戊寅有慶雲見于毫
州真源縣之玄元皇帝廟兼有白鶴翔于廟門樓
六月甘露降于司農寺

八月命有司於興唐觀設齋自內迎玄元皇帝真容于觀宰臣
已下百官悉行香有慶雲見

天寶元年正月戊申安西都護田仁琬於于闐東王河獲瑞玉
龜一畫以獻癸丑太史上言今日卯時日有紅碧黃氣數見及
紫赤雲氣潤澤鮮明在日上謹案瑞應圖名曰慶雲太平之應

請編入史冊許之

六月壬辰信都瑞麥生臨川郡人李嘉裔所居柱上芝草生形
類尊顏屢陳光彩太守張景佚拔柱獻之乙未隴右節度皇甫
惟明奏龍六縣狄孝義有馬六龍駒經九旬有九日身有鱗而
不生毛臣就檢視時有慶雲五色遙覆馬上久而不散伏望宣
付史官以光實錄從之睢陽郡嘉麥生一莖八十一穗
八月乙酉老人星見

二年三月南郡奏所部紫極宮有慶雲見

三載三月癸酉興慶宮合鍊院芝草生一本六莖丙子武威郡
上言番禾縣之天寶山有醴泉湧出嶺石化為瑞麵遠近貧之
者取以給食

五月京兆尹奏所部芝草生

四載八月戊子有班鹿產白鹿于苑中獻之請宣付史館上曰
宮苑之內屢薦嘉祥今又縞質霜毛變林虞之獸族殊姿馴性
實雲賀之龍媒允謂休徵用為慰也所請者依癸巳京兆之新
豐嘉禾生或九穗六穗

九月河東府登封縣嘉禾生一本十二穗

五載五月公卿河東郡太守李知尋奏垂泉縣潘水脩功德處
有白魚引舟五色雲起望宣付史館是之內成鄆陽郡上言并
露降于所部紫極宮之松樹絳郡上言姑射山脩功德慶雲
捧日

七月汝陰郡上言有嘉麥生一莖兩岐

七載三月有玉芝生于大同殿之柱礎一本兩莖神光照於殿
上命文武百寮入觀之

八年六月大同殿又產芝一莖

九載二月甲戌獻陵昭陵乾陵定陵橋陵等五陵柏樹畫岳甘
露壬寅華陰郡奏曰鶴見于西嶽五福峯甘露降太羅峯之醮
壇白鹿見于太羅東南峯駕鶴嶺衛叔卿之得仙處請付史官
從之

七載七月有鹿產白麋于閑廐之試馬殿

八月癸丑點中郡紫極宮慶雲見甲寅上洛陽慶雲見丁巳丹
陽郡茅山鍊丹院生芝草一莖庚午蘄春郡之天長觀聖容玉
石榴花座上生紫芝一本七莖

九月壬午夜太史奏壽星見于景上大明色黃

十月乙丑御朝元閣有慶雲見上賦詩群臣畢和癸酉丹陽郡茅山慶雲見白鶴群飛

十一月日長至太史奏北方有黑雲氣四方俱有薄黃雲佳氣濃厚又有黃氣扶日

十二月餘抗郡慶雲見化樓閣勢兼有仙人形象乙卯彭城郡有慶雲見

十四載三月山南道觀察使源洎奏江陵郡古紀城東有紫氣成雲中有白人衣一衣乘雲氣向上其時安南招討使康令謙及同行軍將等同見臣謹畫圖奉獻伏望宣示中外編諸史用從之

四月劔南道獲白兔一獻之

八月癸巳老人星見己亥中書省五色雲見庚子樂安郡上言嘉禾及獲白雀白鵲壬寅京兆府奏嘉禾生而獻之癸卯東平太守嗣吳王祇奏所部壽張沂昌兩縣鹹穀櫓生丙辰蜀郡奏慶雲九見

十月廬江郡人王恭家有李樹連理結紫實癸丑幸華清宮旬石產玉芝宰相楊國忠奏請宣付示朝廷編諸史策從之十五載六月玄宗幸蜀

七月任戍至益昌郡濟州於吉伯渡有雙白魚夾御舟而躍識者謂之兩隻飛龍焉

新刊用府元龜卷第二十四





